

四庫全書

集部

欽定四庫全書

集部

庾子山集卷十四

詳校官左都御史臣李紱

檢討臣何思鈞覆勘

總校官進士臣朱 鈐

校對官編修臣汪學金

謄錄監生臣張裕田

欽定四庫全書

庚子山集卷十四

周 庚信 撰

錢塘倪璠纂註

碑

周柱國大將軍紀干弘神道碑

公諱弘字廣畧原州長城縣人也本姓田氏

周書列傳

曰田弘字廣畧高平人也

虞賓在位基於揖讓之風鳳凰于飛

紹於親賢之國

序田氏之先也田氏本虞舜之後出自媯姓春秋時陳公子完奔齊

始食田采以陳氏為田氏謂之陳田後周宇文起於荒服賜族皆變夏姓田弘為純干氏其一也尚書曰虞賓在位羣后德讓揖讓謂舜受禪也左氏傳曰初懿氏卜妻敬仲其妻占之曰吉是謂鳳凰于飛其鳴鏘鏘有媯之後將育於姜親賢之國謂齊也漢書地理志曰昔太公始封周公問何以治齊太公曰舉賢而上功周公曰後世必有篡殺之臣其後二年九世為彊臣田和所滅而和自立為齊侯初和之先陳公子完有罪來奔齊桓公以為大夫更稱田氏九世至和而篡齊至孫威王稱王五世為秦所滅論其繼世之功則狄城有廟序其移家之始則長陵有碑漢書曰田儋狄人也故齊王田氏之族儋從弟榮榮弟橫皆豪傑宗彊能得人陳涉使周市畧地北至狄狄城守儋擊殺狄令而石豪子弟曰諸侯皆反秦自立齊古之建國

僖田氏當王遂自立為齊王發兵擊周市略定齊地師古曰狄縣名也地理志屬千乘三輔黃圖曰漢高祖都長安徙諸齊田於長陵潛夫論曰漢高祖徙諸齊田而有第一至第八氏後漢第五倫其後也况復高

廟上書小車而對漢主聊城祭烏長岳而驅燕將

疑作長驅

而却燕將漢書曰田千秋年老上優之朝見得乘小車入宮殿中故因號曰車丞相史記曰燕軍攻安平盡降齊城惟獨莒即墨不下燕惠王使駢劫代樂毅毅歸趙燕人士卒忿而田單乃令城中人食必祭其先祖於庭飛鳥悉翔舞城中下食燕人怪之田單因宣言曰神來教我卒破燕軍殺其將騎劫而齊七十餘城皆復又魯仲連傳曰田單攻之不下魯仲連乃為書遺燕將燕將自殺聊城亂田單遂屠聊城公以胎教之月歲德在寅載誕之辰星精出昴

列女傳曰太任文王之母摯任氏中女也

王季娶為妃有娠目不視惡色耳不聽淫聲口不出教
言能以胎教溲於豕牢而生文王爾雅曰歲在寅曰攝
提離騷曰攝提貞於孟陬兮惟庚寅吾
以降春秋佐助期曰漢相蕭何昂星精
是以月中生樹

童子知言水上浮瓜青衿不戲

世說曰徐孺子年九歲嘗月下戲人語之曰若

今月中無物當極明耶徐曰不然譬如人眼中有瞳子
無此必不明浮瓜未詳會稽典錄曹娥投瓜于江存其

父尸異苑稱魏武見石旁八字
不能了禰衡離合解之疑是事
而受書黃石意在王者

之圖

一作師

揮劍白猿心存霸國之用

荀悅漢紀曰張良遊於汜上有父老

直墮其履顧謂良曰孺子下取履良取履跪而進之父
老曰孺子可教矣後三期而良先至父老遺書一編曰
讀此即為王者師後十三年見我於齊北穀城山下黃
石即我已遂去不復見其書乃太公兵法也吳越春秋

曰袁公與越女試劍竹枝上袁公即飛上樹變為白猿
遂別去見越王王即加女號曰越女乃命五板之隊長
高習之教軍士當世莫能勝越女之劍本傳
云少慷慨志立功名膂力過人敢勇有謀略魏永安中

任子都督翻原州城受隴西王節度於時洛邑亂離當
塗危逼禮樂征伐不出於天子舉賢誅暴實在於彊臣

永安魏莊帝年號也子都督後魏官名隴西王爾朱天
光也彊臣謂爾朱氏也魏本紀云明帝崩爾朱榮謀廢
立以長樂王子攸為帝榮以兵權在已遂有異志乃害
靈太后及幼主次害無上王邵等尋追謚無上王為皇
帝餘死者皆有贈子孫聽立後授封爵爾朱榮率騎七
千計葛榮於滏口破禽之以葛榮平大赦改元為永安
是其事也洛邑魏所都也當塗謂魏也圖讖曰代
漢者當塗高拓拔氏國號後魏故云當塗危逼太祖

文皇帝始創霸功初勤王室秣馬蒐乘誓衆太原公仗

劔轅門麓謀當世

周書本傳云魏永安中陷於万俟醜奴爾朱天光入關弘自原州歸順授

都督及太祖初統衆弘求謁見乃論世事深被引納即處以爪牙之任左氏傳曰求諸侯莫如勤王又令孤之後云蒐閱也周禮曰設宮車轅門前漢紀曰樊噲伏劔楯衝門而入隨何遠至實釋漢帝之憂許攸夜來遂定曹立於帳下

王之業

漢書曰漢王與楚大戰彭城不利出梁地至虞謂謁者隨何曰公能說九江王布使舉兵畔楚

項王必留擊之吾取天下必矣隨何往說布果使叛楚布與隨何間行歸漢魏略曰許攸字子遠少與袁紹及太祖善初平中隨紹在冀州嘗在坐席言議官渡之後諫紹弗與太祖相攻紹自以彊盛必欲極其兵勢攸知

不可為謀遂亡諸太祖言弘去爾朱而就周
文猶隨何之說布畔楚詐伎之去袁即曹也
永熙中初

一作

迎魏武帝入關

魏本紀云武帝永熙三年七月帝親總六軍十餘萬次河橋高歡引

軍東渡宇文泰迎帝於東陽入長安以雍州公解為官是為西魏

封鶉陰縣開國子邑

五百戶

本傳又以迎魏孝武功封鶉陰縣魏屬平涼郡

太祖以自著鐵甲賜公

云天下若定還將此甲示寡人

本傳稱孤餘同

白水良劍罷朝

而贈陳寵青驪善馬迴車而賜李忠並經輿服足為連

類

後漢書曰陳寵字昭公沛國浚人也久留臺閣賞賜有殊又韓稜傳曰稜為尚書令與僕射邳壽尚書陳

寵同時俱以才能稱肅宗嘗賜都尚書劍惟此三人特以寶劍自署其名曰韓稜楚龍淵邳壽蜀漢文陳寵濟

南椎成時論著為之說以稜淵深有謀故得龍淵壽明
達有文章故得漢文寵端樸善不見外故得椎成椎直
追反謝承書漢官儀作鍛成表宏俊漢光武紀曰蔡陽
白水鄉為舂陵侯封邑范蔚宗書亦云貨泉宇文為白
水真人按白水本光武受命之地故明帝賜劍云白水
良劍矣後漢書曰李忠字仲都東萊黃人也世祖以為
右大將軍封武固侯時世祖自解所佩綬以帶忠因從
攻下屬縣至苦陘世祖會諸將問所得財物惟忠獨無
所掠世祖曰我欲特賜李忠諸卿得無望乎即以所乘
大驪馬及繡被衣物賜之弘之得蒙賜甲也如古贈劍
賜馬矣

大統三年轉帥都督進爵為公十四年授使持節

都督原州諸軍事原州刺史仙人重返更入桂陽之城

龍種復歸還尋白沙之路公此衣錦鄉里榮之

本傳以弘勲望

兼至故以衣錦榮之隋書地理志曰雍州平淳郡舊置
原州後周置總管府按弘本原州長城縣人今為原州
刺史是其鄉里也神仙傳曰蘇仙公者桂陽人也鄉中
以仁孝聞天西北隅紫氣氤氳有數十白鶴飛翔其中
降於蘇氏之門皆化為少年怡然輕舉先生斂容逢迎
乃跪白母曰某受命當仙被召有期儀衛已至當違色
養即便拜辭昇雲漢而去母年百餘歲無疾而終葬後
忽見州東北牛脾山紫雲蓋上有號哭之聲咸知蘇君
之神也郡守鄉人苦請相見乃出半而示一手皆有細
毛異常人也三年之後無復哭聲自後有白鶴來止郡
城東北樓上人或挾彈彈之鶴以爪攫樓板似漆書云
城郭似人民非三百甲子一來歸吾是蘇君彈何為至
今脩道之人每至甲子日焚香禮於仙公之故第也襄
陽記曰龐德公子真字世文晉太康中為牂牁太守去
官歸鄉居白沙里鄉人宗敬之相語曰吾家池中龍種
來水經注曰襄城東有東白沙白沙北有三洲言弘本

原州人還為原州刺史衣錦之榮如蘇君之復返桂陽龐奐之還歸襄水也 侍從太祖戰河

橋復弘農解華山

本傳作洛陽

圍平沙苑陣

事在魏大統三年隋書地理志

馮翊郡有沙苑按沙苑一名沙阜在同州馮翊縣南十二里東西八十里南北三十里周太祖與高歡戰於沙

苑大破之裁一樹以表其功其樹往往猶存見郡邑志 必有元勳常蒙別賞太祖

在同州

周本紀云魏廢帝三年改華州為同州

文武並集號令云人人如

紇干弘盡心天下豈不早定即授車騎大將軍儀同三

司

本傳已上俱同

前魏元年

本傳魏廢帝元年

轉驃騎大將軍開府祈

連猶遠即受冠軍之侯沙幕未開元置長平之府

漢書曰霍

去病封冠軍侯三歲元狩三年春為驃騎將軍去病出北地至祁連山捕首虜甚多是去病未至祁連時已封冠軍侯也師古曰祁連山即天山也匈奴呼天為祁連武帝紀曰元朔六年衛青復將六將軍絕幕大克獲應劭曰幕沙幕匈奴之南界也臣瓚曰沙土曰幕直度曰絕師古曰幕者即今突厥中磧耳李陵歌曰徑萬里兮度沙幕按年表衛青以元朔二年擊匈奴取朔方封長平侯是沙幕未開之時也

梁信州刺史

蕭韶寧州刺史譙淹等猶處永安稱兵漁陽公受命中軍迅流下瀨遂得朝發白帝暮宿江陵猿嘯不驚雞鳴

即定

本傳云平蜀之後梁信州刺史蕭韶等各據所部未從朝化詔弘討平之漢書曰下瀨將軍下蒼梧

後漢書曰公孫述改魚復為白帝城又郡國志曰南郡巫西有白帝城江陵南郡治也時為梁元帝所都猿嘯

欽定四庫全書

卷十四

即荆州記所謂巴東三峽巫峽長猿鳴三聲淚沾裳是也注別見左氏傳曰雞鳴而駕塞井夷竈唯余馬首是

膽西平反羌本有漁陽之勇鳳州叛氏又習仇池之氣

本傳云又討西平叛羌及鳳州叛氏等並破之地理志曰漁陽郡秦置屬幽州華陽國志曰阿池一名仇池地

方百頃隋書地理志曰梁州河池郡後魏置南岐州後周改曰鳳州周書異域傳曰宕昌羌者其先蓋三苗之

胤其界自仇池以西公推鋒直上白刃交前萬死一決克徒多潰

身被一百餘箭傷肉破骨者九創本傳弘每臨陣推鋒直前身被一百餘箭

破骨者九馬被十槊露布申上朝廷壯焉本傳馬被十稍朝廷壯之信州蠻反

又詔弘與賀若敦等平之葛樓糾糾魏有去舊之歌零露瀼瀼周受

維新之命

謂魏廢帝禪位周閔帝踐作也詩魏風云糾糾葛屨可以履霜詩序曰葛屨刺褊也魏地

匪隘其俗機巧趨利其君儉嗇褊急而無德以將之言魏祚既衰取古魏風以為比小雅蓼蕭云蓼彼蕭斯零

露漉漉大雅文王篇曰周雖舊邦其乃進爵封雁門郡

命維新言宇文氏受命如古周德矣 公 本傳孝閔踐作 進爵雁門郡公 食邑通前二千七百戶保定元年授

使持節都督岷州諸軍事岷州刺史隴頭流水延望秦

關川上峨眉猶通蜀道

隋書地理志梁州臨洮郡臨洮縣西魏置岷州辛氏三秦記曰

隴右西關欲工者七日乃越工有幾水四注流下俗歌曰隴頭流水鳴聲幽咽遙望秦川肝腸斷絕杜預益州記

曰平柳江東邊峨眉山在南安縣界去成都公不發私南十里秋日清澄望見兩山相峙如峨眉焉

書不然官燭獸則相負渡江蟲則相銜出境

本傳保定元年出為

岷州刺史弘雖武將而動遵法式百姓頗安之世說曰王經為江夏太守不發私書謝承後漢書曰巴祗為揚州刺史夜與士對坐暝暗之中不然官燭後漢書曰宋均字叔平南陽人遷九江太守郡多虎常設檻穽均到下記屬縣可去一檻穽其後傳言虎東渡

軍餘官如故

本傳云三年從隋公楊忠伐齊拜大將軍明年又從楊忠東伐師還乃旋所鎮衛

青受詔未入玉門之關竇憲當官猶在燕山之下公之

此受差無慙德

漢書曰衛青拜大將軍又西域傳曰阮以玉門陽關敦煌郡龍勒有五門關後

漢書曰竇憲與北單于戰於稽落山大破之遂登燕然山刻石紀功

渾王叛換梗我西疆

宕羌首竄藩籬搗貳公受服於社偏師遠襲

本傳云吐谷渾寇西

邊宕昌羌潛相應詔弘討之按渾王吐谷渾也漢書注曰叛換猶跋扈也宕羌宕昌羌也周書異域傳云吐谷渾本遼東鮮卑慕容廆之庶兄也率其部落止於枹罕自為君長及孫葉延頗視書傳以古有王父字為氏遂以吐谷渾為氏馬又宕昌羌傳云保定四年彌定又引吐谷渾寇石門戍高祖怒詔大將軍田弘討滅之以其地為

宕州

揚旌龍涸繫馬甘松

周書吐谷渾傳云天和初其龍涸王莫昌率眾降以其地為

扶州隋書地理志曰同昌郡嘉城縣後周置縣并龍涸郡及扶州總管府又曰宕昌郡懷道縣後周置甘松郡水經注益州記曰自白馬嶺回行二千里至龍涸唐書曰松州交州郡屬劍南道取界內甘松嶺為名

十五王靡旗亂轍七十六柵鷄奔雉竄

本傳云獲其二十五王拔其七

十六柵邊破平之左傳曹劌曰吾視其轍亂望其既蒙
旗靡詩云鶉之奔奔言弘破吐谷渾如逐獵也

用命之賞乃奉旋師之樂天和二年被使南征謂與陳人戰也

帶甲百萬軸轡千里江源水起海若乘流漢書曰武帝自滄陽浮江

而下軸轡千里注云軸後施柁處轡前頭刺楫處也按
軸轡本从舟字或从車莊子北海若曰天下之水莫大

於海船官之城登巢懸燹吳兵習流長驅戰艦風灰箭火

倏忽凌城船官之城謂湘水也水經注曰湘水又運船官西相舟商舟之所次也又曰荊州故楚也

子革曰我先君僻處荆山以供王事遂遷紀郢今城楚
船官地也春秋之渚宮左氏傳曰晉楚戰於鄢陵楚子

登巢卓以望晉軍杜預曰燹炊也吳越春秋曰乃發習
流二千人釋名曰上下重牀曰艦四方施板以禦矢石

其內如牢檻楚公以白羽麾軍朱絲度水七十餘日始
辭曰往來倏忽

得解衣

天和至解衣本傳云天和二年陳湘州刺史華皎來附弘從衛公直赴援與陳人戰不利乃以

弘為江陵總管及陳將吳明徹來寇弘與梁主蕭歸暹保紀南令副總管高琳拒守明徹退乃還江陵鶯子曰武王率兵車以伐紂紂虎旅百萬陣於商郊三軍之士莫不失色武王命太公把白旄以麾之紂軍反走呂氏春秋作白羽左氏傳曰晉侯伐齊將濟河獻子以朱絲繫玉二鼓而禱沉玉而濟朝廷以晉剋夏

陽先通滅虢之政秦開武遂始問吞韓之謀

左傳傳二年曰晉師

會虞師伐虢滅夏陽五年晉滅虢史記曰秦武王四年拔宜陽斬首六萬涉河城武遂徐廣曰韓邑也是

以馳傳追公以為仁壽城主

本傳云尋以弘為仁壽城主以通宜陽

齊將

段孝先斛律明月出軍定隴以為宜陽之援公背洛水

而面熊山陳中軍而疏行首乘機一戰宜陽銜璧

本傳云齊

將段孝先斛律明月出軍定隴以為宜陽援弘與陳公純破之遂拔宜陽等九城北齊書曰段韶字孝先姑臧

武威人斛律光字明月朔州敕勒部人也後漢書曰赤眉賊上所積兵甲宜陽城西與熊耳山齊水經注曰洛水之北有熊耳山雙峰競舉狀同熊耳在宜陽矣左傳成十六年范句曰塞井夷竈陳於中軍而疏行首杜

注云疏行首者當陳前決開營壘為戰道增封五百戶進柱國大將軍司勳

之策也建德元年拜大司空二年遷少保姬朝三列少

保為前炎正五官冬官為北頻煩寵命是謂賢能

尚書曰少

師少傅少保曰三孤韓詩外傳曰三公者何曰司空司徒司馬漢書百官公卿表曰神農火師火名應劭曰火德也故為炎帝春官為大火夏官為鶉火秋官為西火冬官為北火中官為中火凡五官又百官表云冬官司

空
三年授使持節都督襄郢昌豐唐蔡六州諸軍事襄

州刺史江漢之間不驚雞犬樊襄之下更多冠蓋

周書武帝

紀云保定元年令荊州安州江陵等總管並隸襄州總管府隋志襄陽郡西魏曰襄州置總管府義陽郡後魏曰郢州又江夏梁置郢州時屬陳春陵郡西魏曰昌州豐疑作澧隋志澧陽郡是時屬陳疑僞置隋志漢東郡唐城縣西魏曰唐州襄陽耆舊傳曰襄陽郡岷山南至宜城百餘里漢宣帝時有卿士刺史二千石數十家冠蓋承映荊州刺史雅歎其盛號曰冠蓋里按江漢二水名隋志襄陽郡安春縣後周廢樊城山都二縣入馬知

襄陽郡舊有樊城故云樊襄 既而三湘遼遠時遭鵬入五溪卑濕或

見鳶飛

言弘覺於州也漢書曰賈誼為長沙傳三年有鵬飛入誼舍止於坐隅鵬似鴉不祥鳥也誼以

適居長沙長沙卑濕誼自傷悼以為壽不得長乃為賦以自廣南史侯景傳云巴陵有地名三湘寰宇記曰湘潭湘鄉湘潭為三湘也後漢書馬援傳曰武威將軍劉高擊武陵五溪蠻居深入軍沒援因復請行時年六十二會暑盛中病遂卒於彼水經注曰武陵有五溪謂雄溪橫溪酉溪澗溪辰溪悉是蠻居故謂五溪後漢書馬援曰吾仰視飛鳶跼跼墮水中卧念少游時語何可得也 舊疾增加薨於州鎮天

子畫凌煙之閣言念舊臣出平樂之宮實思賢傅

畫凌煙之

閣未詳唐太宗貞觀十七年以功臣圖形凌煙閣事在唐時今按此文知後周以前已有其事非始於唐也又

按王子年拾遺記曰晉文公焚林以求介子推有白鷓
繞煙而噪或集介子推之側火不能禁晉人嘉之為立
臺號曰思煙介子推為晉國功臣凌煙之名起於此矣
鮑照有凌煙樓銘西京賦薛綜注曰平樂館大作樂處
也按平樂為作樂之處實思賢傳者即樂記所謂聽鐘
聲則思武臣聽磬聲則思死封疆之臣等語謂樂作而
思也

有詔贈某官禮也

本傳云大象末位至柱國小司馬朝廷又追錄弘勳進恭爵觀國公

恭弘世子也

即以四年四月二十五日歸葬於原州高平之

鎮山屬國玄甲輕車介士一依霍驃騎之禮衛將軍之

葬

漢書曰霍去病薨工發屬國玄甲去病為驃騎將軍又曰張安世薨天子贈以輕車介士又曰衛青拜大

將軍卒與平陽主合葬起冢象廬山

嗚呼盛哉公入仕四十五年身經一

百六戰通中陷刃疾甚曹參刮骨傅藥事同一

一作多

關某

三輔故事曰楚漢相拒於京索間六年身被大創十二夫石通中過者蜀志曰關某常為流矢所中貫其左臂

羽使伸臂令醫刮去其毒言笑自若

而風神果勇儀表沈雄事親無隱無

犯禮記曰事親有隱而無犯

學不專經略觀書籍兵無師古自得縱

橫漢書霍去病傳曰上嘗欲教之孫吳兵法對曰顧方略何如耳不至學古兵法

青烏甲乙之

占白馬星辰之變

後漢書王景傳曰冢宅禁忌注云送葬造宅之法若黃帝青烏之書白馬

未詳青烏為冢宅之書此亦疑占星者有其書也

九宮推步三門伏起

後漢書張衡曰

重之以卜筮雜之以九宮易乾鑿度曰太一取其數以行九宮注詳齊王憲銘後漢書高彪歲曰天有太一五

符三門注云三門者開門休門生門也

天弧射法太乙營圖

天弧弧矢星也天官書曰

狼下有四星曰弧直狼漢書藝文志有太一兵法一篇秦壹雜子星秦一雜子雲雨又秦一二十九卷

皆成誦在心若指諸掌

言青鳥已下諸書皆成熟也

虜青犢之兵甚

有秘計燒烏巢之米本無遺策

後漢書郡國志曰河內野王有射犬聚世祖破

青犢處又光武紀曰別號諸賊青犢等各領部曲又袁紹傳官渡之役云淳于瓊等時宿在烏巢去紹軍四十

里操自將步騎五千人夜往攻破瓊等悉斬之曹瞞傳曰既至圍屯大放火營中驚亂大破之盡焚其糧穀實

貨斬督將睢元等劉得將軍淳于仲簡真殺士卒千餘人後漢書注云烏巢地名在滑州酸棗城東

賊退屈指可知南部兵迴挿標而侍

西零謂西羌也南部謂陳也

常

願執金鼓而問吳王橫瑯戈而返齊地有志不就忠貞

死焉

問吳王者謂其欲問罪於陳也返齊地者謂其有平齊之志也陳都江表故曰吳王高氏國號曰齊

故云齊地弘有此二志不就而死也漢書吳王濞傳曰弓高侯顏當執金鼓見膠西王卬曰王若軍事願問王發

兵狀晉語曰秦穆公侵晉惠公令韓簡挑戰穆公衛瑤戈出見使者世子恭等孝惟純深

居喪過禮對其苦寢則梓樹寒生聞其悲泣則巢禽夜

下

喪服傳文及士喪禮記皆云居倚廬寢苦枕由歎粥朝一溢米夕一溢米鄭康成曰苦編藁也左氏傳曰

晏袒子卒晏嬰寢苦枕草史記伍子胥曰必樹吾墓上梓令可以為器正義曰器謂棺也此云梓樹棺木也干

實搜神記曰鄭弘遭臨淮太守郡民徐憲在喪致哀有白鳩巢戶側弘舉孝廉朝廷稱為白鳩郎

嗚呼

哀哉乃為銘曰

天齊水合日觀山連兵強東楚地遠西燕

史記封禪書曰齊所以為

齊以天齊也天齊淵水居臨菑南郊山下者索隱曰臨菑城南有天齊泉五泉並出有異於常言如天之腹臍也應劭漢官儀曰泰山東南山頂名曰日觀者難一鳴時見日始欲出長三丈許故以名焉言齊國強大桓公霸時田敬仲來奔也兵強東楚者史記曰桓公三十年伐楚次召陵桓公矜屈完以其來屈完曰君以道則可若不則楚方城以為城江漢以為溝君安能進乎乃與屈完盟而去地遠西燕者史記曰桓公二十三年山戎伐燕桓公救燕遂伐山戎至於孤竹而還燕莊公送桓公入齊境桓公曰非天子諸侯相送不出境於是分溝割燕君所至與燕命燕君復修召公之政納貢於周是也陳厲公子完號敬仲奔齊國在桓公十四年是其時

也
五卿咸正三王並賢靈龍更起燧象還燃

左傳莊二十二年曰

初懿氏卜妻敬仲占曰五世其昌並於正卿八世之後
莫之與京及陳之初亡也陳桓子始大於齊其後亡也
成子得政杜注曰桓子敬仲五世孫陳無宇也世家成
子曾孫太公和遷齊康公於海上和立為齊侯和孫威
王稱王四世而秦滅之云三王者除湣王無道為淖齒
所殺王建聽姦臣賓客以亡其國弗稱威王宣王襄王
此三王並賢也又按田儂兄弟三人俱為王並賢史記
曰儂弟榮榮弟橫高帝曰夫起自布衣兄弟三人更王
豈不賢乎哉靈龍燧象即田單鐵籠火牛事史記曰樂
毅破齊田單走安平令其宗人盡斷其車軸末而傅鐵
籠已而燕人攻安平惟田單宗人以鐵籠故得脫單收
即墨城中得千餘牛為絳繒衣畫以五彩龍文束兵刃
於其角灌脂束葦於尾燒其端鑿城數上穴夜縱牛壯
士五千人隨其後牛尾熱怒而奔燕軍燕軍大驚視之

皆龍文所觸盡死傷燕軍敗云燧象者按左傳定四年
曰王使執燧象以奔吳師杜預曰燒火燧繫象尾使赴
吳師驚却之田單
之術本於此矣
自天之德乃祖乃父維嶽降神生申

及甫

大雅詩嵩高云維嶽降神生甫及申鄭箋曰四嶽
卿士之官掌四時者在堯時姜姓為之申甫齊

許皆其
苗裔
北門梁棟西州雲雨勇讐燕城名題漢柱
謂齊

之北門燕在齊北史記齊威王曰吾吏有黔夫者使守
徐州則燕人祭北門裴駘曰齊之北門燕人攻齊田單
固守聊城卒以敗燕是為梁棟也西州謂京兆也周禮
職方氏正西曰雍州故云西州謂田鳳為京兆人漢帝
題柱之恩是過雲雨也勇讐燕城接上北門句即田單
事史記曰田單敗燕軍殺其將騎劫追亡逐北所過城
邑皆畔燕而歸田單七十餘城皆復為齊名題殿柱接
上西州句即田鳳事三輔決錄曰漢靈帝殿柱題堂堂

乎張京兆田郎言弘祖父皆有功績如田單
之後燕城田鳳之題漢柱稱田氏之盛也
公始青矜

風神世載猛獸不驚家禽能對
青矜以下言田弘也鄭風子矜云青青子矜毛

傳曰青矜青領也學子之所服晉書曰王戎年六七歲

於宣武場觀猛獸檻中號呼震地衆皆奔走戎獨不動

神色自若魏明帝於閣上見而奇之世說曰梁園楊氏

子九歲甚聰慧孔君平詣其父父不在乃呼兒出為設

果果有楊梅孔指以示兒曰此是君家
果免應聲答曰未聞孔雀是夫子家禽
劍學千門書觀

六代有竭忠貞無違敬愛
許氏說文許冲上書曰古文時有六書一曰古文二曰奇

字三曰古篆書四曰佐書五曰繆篆六曰鳥蟲
書左傳荀息曰臣竭其股肱之力加之以忠貞
乃數軍

實乃握兵符
集作燒沙成壘聚石成圖
以數軍實杜預

曰以數車徒器械及所獲也後漢書曰舊制發兵皆以
虎符其餘微調竹使符曹瞞傳曰公軍每渡渭輒為馬
超騎所衝突營不得立地又多沙不可築壘妻子伯說
公曰今寒可起沙為城以水灌之可一夜而成公從之
乃多作繖囊以運水夜渡兵作城比明城立由是公軍
盡得渡渭晉書曰初諸葛亮造八陣於魚復平沙上累
石為八行相去二丈桓溫
見之曰此常山蛇勢也 風雲順逆營陣孤虛靈雨鉦

鳴燿火飛狐

風后握奇經有風陳雲陳漢書藝文志有
風后孤虛二十卷後漢書方術傳曰須臾

孤虛之術章懷太子注云孤虛者孤謂六甲之孤辰若
甲子旬中乙亥無干於是為孤也對孤為虛詩采芑云
靈雨既零又云鉦人伐鼓說文曰鉦鏡也似鈴柄中上
下通鼓人注云獨鉦也形如小鐘是獨亦名鉦也張宴
曰燿火燿火也狀若并契卓矣漢書文帝紀曰以
中大夫令免為車騎將軍屯飛狐如淳曰在代郡淮陰

受策車騎登壇公為上將有此同官

言弘授車騎大將軍轉驃騎大將軍

也淮陰侯韓信也受策謂拜大將軍也後漢書曰竇憲拜車騎將軍上將文昌中星名左氏傳曰同官為僚今

後將軍是為上將車騎等名為同官矣

下江燒楚上地吞韓推功玉案定

策珠盤

下江燒楚謂弘為江陵總管退陳將吳明徹也後漢書郡國志曰南郡編縣有藍口聚下江兵

所據注云今當陽城是也上地吞韓謂弘為仁壽城主以通宜陽宜陽韓地也史記韓襄王五年云秦拔我宜陽斬首六萬又曰王翦將上地楚漢春秋韓信曰漢王賜臣玉案之食注詳司馬商銘周禮曰玉府若合諸侯則供珠盤玉敦注云珠盤以珠飾盤所以盛牛耳玉敦以玉為敦所以盛血盟會用之

天有三階

公承其命國有六卿公從其政

謂弘為少保司徒也藝文志曰秦階六符一卷

李奇曰三台謂之泰階兩兩成體三台
故六三階謂少保六卿謂大司空也

台曜偕輝槐庭

重映匡贊七德謨猷八柄腹滿精神心開明鏡

台曜即三台也

天官書曰魁下六星兩兩相比者名三能三能色齊君
臣和不齊為乖戾蘇林曰能音台周官曰三槐三公位
馬政云槐庭王儉褚淵碑文云贊道槐庭左氏傳曰武
有七德周禮太宰職曰以八柄詔王馭羣臣一曰爵以
馭其貴二曰祿以馭其富三曰予以馭其幸四曰置以
馭其行五曰生以馭其福六曰奪以馭其貧七曰廢以
馭其罪八曰誅以馭其過晉書溫嶠曰錢世儀精神滿
腹世說曰何點嘗目陸慧曉心如明鏡遇形觸物無不
朗然伏波受賑樓船推轂東道未從南征不復謂督襄郢
諸州軍事

不復返也伏波樓船將軍名前書武帝元鼎五年遣伏
波將軍路博德出桂陽下湟水後漢書曰馬援為伏波

將軍漢書曰樓船將軍楊僕出豫章下潁水左氏傳曰
燭之武見秦伯曰若舍鄭以為東道主行李之往來共
其困乏又僖四年傳曰昭王南征而不復寡人是問呂
氏春秋曰周昭王親將征荆蠻辛餘靡長且多力為王
右還反涉漢梁敗王及祭公隕於漢中辛餘靡振王北
濟反振祭公高誘注引左傳云昭王之不復君其問諸
水濱依左傳則昭王已沒於漢呂氏復云振王且武
稱梁敗或說膠船其旨不同一遵左氏之為正也 飲

丹有井澆泉無菊功存柳林身在槁木

干寶搜神記曰
臨邑縣有廖氏

世老壽後徙居子孫軌殘折他人居其故宅復累世壽
乃知是宅所為不知何故疑井水赤乃掘井左右得古
人埋丹砂數十斛丹汁入水是以飲水而得壽盛弘之
荊州記曰菊水在穰縣菊被涯水極甘香谷中皆飲此
水上壽百二十七八十者猶以為天太尉胡廣患風疾
休沐南歸恒飲此水後疾遂瘳年八十二薨也魏文帝

柳賦序曰昔建安五年上與袁紹戰於官渡時余從行始植斯柳按古人戰勝嘗種樹一枝以旌其功官渡之戰曹公破紹天下莫敵功之最大者也此云功存柳林以弘有宜陽戰功故引是事左傳莊四年曰王遂行卒於櫛木之下杜預曰櫛木木名櫛即蕩反又莫昆反又武元反言無丹井菊泉可以延壽功成遂薨於行也

移茵返葬提柩山行芻靈隴水哀挽長城

說文曰茵車禱也禮記曰

在牀曰尸在棺曰柩又曰塗車芻靈自古有之鄭注曰芻靈束茅為人馬也

自山如北印樹似

東平松門石起碑字金生

西京雜記曰何武葬北印山薄龍坂王嘉冢東北一里皇

覽曰東平思王冢在無鹽人傳言王在國思歸京師後葬其冢上松柏皆西靡也謝靈運入彭蠡湖口詩曰攀崖照石鏡牽葉入松門注引張僧鑒地志曰石鏡山東有一圓石懸崖明淨照人見形顧野王輿地志曰自入

湖三百三十里窮於松門東西四十里青松徧於兩岸
王隱晉書曰永嘉元年陳國項縣賈逵石碑中生金人

盜鑿取賣賣已復生也
此江東中興之瑞也
渺渺山河煢煢肩子泣血徒步奔

波千里

言弘煢於州鎮子恭等奔喪千里也世說曰王
濟沖為尚書令經黃公酒壚下過謂後車客曰

自稽生天阮公亡以來今日視此雖近邈若山河左氏
傳曰哀十六年孔子卒公誄之曰煢煢余在疾詩曰哀

此煢獨泣血言泣
盡而繼之以血也
孝水先枯悲雲即起世數存沒哀榮

終始
鄭元水經注曰孝水在河南城西十餘里潘岳西
征賦曰漂孝水而灌纓嘉善名而在茲謝靈運詩

曰風悲黃雲起
哀榮見論語

周柱國大將軍大都督同州刺史爾

字或作
尔同

綿永

神道碑

公諱永字永賓東燕遼東石城縣零泉里人也本姓段

周書列傳云段永字永賓其先遼西石城人昔者昌意降居初分若水之姓

共叔出奔始有京城之族序段氏之先也帝系黃帝產青陽昌意山海經曰南海之

木若水之間有木名曰若木若水出焉水經注曰黃帝長子昌意德劣不足紹承大位降居若水為諸侯焉娶

蜀山氏女生顓頊於若水之野有聖德二十登帝位承少皞金官之政以水德寶曆矣國語曰黃帝以姬水成

段氏之先出自鄭國姬姓左氏傳曰鄭武姜愛共叔段請京始居之謂之京城太叔京叛太叔段太叔出奔共

此段氏得姓之始也西河居士蕃魏而却秦北岳將軍威胡而奉

晉其後居於北代則先封遼水備乎史籍可略而言史記

魏世家曰文侯客段干木過其閭未嘗不軾也秦嘗欲伐魏或曰魏君賢人是禮國人稱仁上下和合未可伐

也文侯由是得譽於諸侯按史記老子之子宗為魏將封於段干是段干為複姓未必即段氏之祖惟風俗通

注云姓段名干木矣晉書曰段匹碑東郡鮮卑人也種類勁捷世為大人父務勿虛懷帝時以為單于匹碑為

左賢王率眾助國征討假撫軍大將軍後為石季龍所逼常著朝服待晉節經年國中謀推匹碑為主事露被

害永本傳其先遼西石城人晉幽州刺史段匹碑之後也北岳恒山也 祖援鎮西將軍馮

翊太守本傳云曾祖悞任魏黃龍父儒平東將軍持節鎮將因徙高陸之河陽焉

恒燕翊三州諸軍事恒州刺史地名注見公年裁弱冠是篇銘內

卽值亂離驅馳關塞之間早有縱橫之志

本傳云永幼有志操閭里

稱之魏正光末六鎮擾亂遂攜老幼避地中山後赴洛陽

軍陣方圓無勞聚米山川

形勢不待披圖

後漢書曰馬援於帝前聚米爲山谷指畫形勢開示衆軍所從道徑往來分折

曲折昭然可曉帝曰虜在吾目中矣漢書曰張安世長子千秋爲中郎將隨度遼將軍范明友擊烏桓還謁大將軍光問千秋戰鬪方略山川形勢千秋口對兵事畫地成圖無所忘失又後漢書曰鄧禹從至廣阿光武舍城樓上披輿圖指示禹曰天下郡國如是今始得其一子前言以吾慮天下不足定何也禹曰方今海內殺亂人思明君猶赤子之慕慈母古之魏正光五年入仕解興者在德厚薄不以大小光武悅

褐殿中將軍孝昌三年加龍驤將軍永平三年授平東

將軍都督中堤建義勳謀是先蒙賞倉泉縣開國男食

邑一百戶

正光五年魏明帝即位之八年也孝昌三年魏明帝十一年也按魏帝紀宣武之八年改

元永平明帝為宣武子當作永安疑有誤隋書地理志曰漢陽郡上祿縣舊置仇池郡後魏置倉泉縣其

年淮淝侵軼南鄙徵公兵受賑偏師一月三捷

本傳云青州人

崔社客舉兵反永討平之進爵為侯左氏傳曰戎有受賑詩云一月三捷

昔張遼奄至

原本有關

文魏志曰張遼字

文遠雁門馬邑人也封沃陽縣開國伯食邑五百戶進

爵為侯

漢書地理志曰雁門郡有沃陽縣

永熙元年

魏孝武即位之年也

授使持

節車騎大將軍左光祿

本傳云除左光祿大夫

魏武帝特召入仕

閣內大都督馬武小心侍蕭王於卧內典韋忠壯陪魏

后於宮中

後漢書曰更始遣侍御史持節立光武為蕭王秉宏後漢紀曰馬武字子張南陽湖陽人

少時避怨綠林中起隨擊甄阜二公兵故王常親引之邯鄲既平王登臺從容謂武曰吾得漁陽上谷突騎欲令將軍主之何如武讓不敢當然歸心於王武既降置之帳下每饗諸將武斟酌於前自以新屬也甚卑恭不敢與南陽時等王善之魏志曰典韋陳留己吾人也為校尉性忠至謹重常畫立侍終日夜宿帳左右稀歸私寢好持大雙戟與長刀等軍中為之語曰帳下壯士有典君提一雙戟八十斤太祖征荊州至宛張繡迎降太祖延繡及其將帥置酒高會太祖行酒韋持大斧立後刃徑尺太祖所至之前韋輒舉斧目之繡及其將帥莫敢仰視
於時賊帥元伯破掠城市西自潼函東綿鞏洛本

云時有賊魁元伯生率數百騎西自峭潼東至鞏洛屠陷塢壁所在為患左傳文十三年晉侯使詹嘉處瑕以守桃林之塞杜預曰桃林在弘農華陰縣東潼關高誘呂氏春秋注桃林縣西長城晉地道記曰潼關是也郡國志曰弘農故秦函谷關又河南穀城有函谷關河南鞏縣故鞏伯國河南周公時所城洛邑也春秋之王城

京畿大都督請士馬五千公曰此賊無他策尋為鳥散止請五百騎應手生擒朝廷賞其謀策百姓喜其除害

本傳云魏孝武遣京畿大都督匹婁昭討之昭請以五千人行永進曰此賊既無城柵惟以寇抄為資安則蟻聚窮則鳥散取之在速不在衆也若星馳電發出其不虞精騎五百自足平殄若徵兵而後往彼必速竄雖有大衆無所用之帝然其計於是命永代昭以五百騎討之永覘知所在倍道兼進遂破平之既而喪

亂弘多生民板蕩乘輿西幸宗社北遷

言魏孝武遷都長安也

公

妙識玄象深知歷數乃與昆弟謀為自全斬西中即將

送首關內

本傳云帝西遷永時不及從大統初乃結宗人潛謀歸款密與都督趙業等襲斬西中即

將慕容顯和傳首京師

蒙賞昌平縣開國子食邑三百戶大統元

年授使持節都督北徐州刺史平竇軍復弘農戰沙苑

河橋公並預先登身當鋒首謨猷應變備在司勳

本傳云從

擒竇泰復弘農破沙苑並有戰功河橋之役永力戰先登周禮司勳屬夏官鄭注曰此官主功賞增邑

八百戶通前合二千戶進爵為沃陽縣開國公授南汾

州諸軍事南汾州刺史

隋志云文城郡東魏置南汾州後周改為汾州

十四年

增邑三百戶轉大都督其年授車騎大將軍儀同三司

加散騎常侍十六年授驃騎大將軍開府加侍中尋授

恒州諸軍事恒州刺史又遷雲州刺史

隋志云北地郡三水縣西魏置

恒州尋廢又北地郡彭原縣有豐城西魏置雲州

昔軒丘分族異姓者十四人

鄧邑建侯宗盟者四十國

史記曰黃帝姓軒轅氏國語曰黃帝之子二十五宗其得

姓者十四人左傳昭二十八年成鱗曰昔武王克商光有天下其兄弟之國者十五人姬姓之國者四十人詩

云作邑於豐左傳周之宗盟異姓為後

太祖文帝席卷關河三分天下

席卷

見通 秦論 賴川從我並有鄉里之親新豐故人非無布衣之

舊素宏後漢紀曰世祖為大司馬遣平河北於是馮異

銚期堅鐔祭遵城宮王霸皆以為掾史從至河北賓

多去者世祖謂霸曰賴川從我者皆已亡矣疾風知勁

草爾其勉之漢書地理志曰京兆新豐故驪戎國高祖

七年置應劭曰太上皇思東歸於是高祖改築更立九

城市街里以象新豐徙豐民以實之故號新豐

十九姓還存三十六國舊胄還姓爾綿本傳云賜姓爾

二年詔曰三十六國九十九姓自魏氏南遷皆

稱河南之民今周室既都關中宜稱京兆人

增邑一

千戶進爵為廣一作州郡開國公地理志曰廣城尋授

文州諸軍事文州刺史隋志云汶山郡國家以玉門西

拒久勞亭障陽關北牧多事風塵

漢書西域傳曰漢列亭障至玉門自玉門

陽關出西域有南道北道地理志曰敦煌郡有陽關玉門關

武成二年有詔進公都

督瓜州諸軍事瓜州刺史是以名馳梓嶺聲振榆關無

雷畏威負霜懷德

漢書地理志曰敦煌郡舊置瓜州梓嶺即梓潼也

漢書地理志曰廣漢郡梓潼五婦山馳水所出益州郡有葉榆澤西域傳曰無雷國王治盧城去長安九千九百五十里又曰老上單于殺月氏以其頭為飲器月氏乃遠過大宛西擊大夏而臣之有五翎侯三曰貴霜翎侯治護湫城去都護五千九百四十里去陽關七千九百八十二里此云負霜疑貴霜轉寫之誤也

三年還朝受工部中大夫遷軍司馬夏官司武待白露

而治兵冬官考工記玄雲而授職

周禮夏官司馬之職謂永為軍司馬也月

全曰七月白露降治兵謂秋獮之事也周禮冬官考工記謂永為工部大夫也服虔曰黃帝以雲名官春官為

青雲氏夏官為緡雲氏秋官為白雲氏冬官為黑雲氏中官為黃雲氏冬官黑雲故云玄雲矣四年增

邑三百戶通前合三千九百戶其年授使持節大將軍

都督治左八軍總管軍事

一有洛食

朝登上將暮會小卒事

涉交接觀霧而返

左傳隨武子曰會聞用師觀霧而動杜注曰霧罪也

天和二本傳

作四年以本官領小司寇三度有星名天獄八封有坎象

刑書

史記天官書注詩紀歷根曰賤人牢一曰天獄坎上六係於徽經寘於叢棘三歲不得凶虞翻曰徽

索黑索也觀異為繩艮為手上變入坎故係用微繩坎
多心故叢棘獄外種九棘故稱叢棘二變則五體剝剝
傷坤殺故冥於叢棘也不得謂不得出獄艮止坎獄乾
為歲五從乾來三非其應故曰三歲不得凶矣九家易
曰坎為叢棘公繁不秋荼嚴無夏日鹽鐵論曰秦法繁
於秋荼左氏傳曰

趙盾夏日民知約法未肯以獄吏為尊吏識刑名無敢
之日也

以死灰相懼漢書高帝詔曰今民約法三章耳又周勃
傳曰人有上書告勃欲反下廷尉吏稍侵

辱之既出曰吾嘗將百萬軍然安知獄吏之貴也又韓
安國傳曰安國生法抵罪蒙獄吏田甲辱安國安國曰

死灰獨不復然乎又任左廂第三軍總管按後周六軍
甲曰然即溺之有右一軍右

二軍右三軍左一軍左二軍
左三軍總管見周武帝紀
仍被勅將兵馬北道教習

韓信入關即申軍令陳農受詔仍校兵書

史記曰蕭何薦韓信拜大

將逐聽信計部署諸將所擊按漢王入關中韓信亡楚歸漢故云入關漢書曰成帝時以書頗散亡使謁者陳

農求遺書於天下

豈直六郡良家五營騎士懸知正正之旗遙

識堂堂

一作亭亭

之陣

一作氣

漢書曰漢興六郡良家子選給羽林期門師古曰六郡謂隴西

天水安定北地上郡西河也漢官儀曰漢有五營孫子兵法曰無邀正正之旗勿擊堂堂之陣此治變者也注

云正正齊也堂堂大也

蒙犯霜露旗鼓驅馳

左氏傳太叔曰跋涉山川蒙犯霜露又張

侯曰師之耳目在吾旗鼓詩曰載馳載驅

俄而溝疾遂至大漸五年六月十

六日薨於賀葛城春秋六十有八

本傳云率兵北道講武卒於賀葛城餘同

將軍死綏三軍行哭都護喪還緣邊追祭

司馬法曰將軍死綏綏却

也漢書曰段會宗死烏孫中年七十五矣城郭諸國為發喪立祠焉

九月二十三日靈柩

至於京師皇帝臨喪百寮赴弔詔遣使持節車騎大將

軍儀同三司賀拔軌監護喪事又遣使持節車騎大將

軍儀同三司紇豆陵亮冊贈使持節柱國大將軍同華

宜敷丹五州諸軍事同州刺史

隋志云馮翊即後魏置華州西魏改曰同州京

北鄭縣西魏曰華州京兆華原縣西魏曰宜州上郡西魏敷州延安即義川西魏為丹州後周為丹陽

諡

曰恭公其年十一月五日葬於京城南高陽原高司里

夫人赫連氏

赫赫勃勃之後也崔鴻十六國春秋夏錄曰赫連勃勃朔方人匈奴左賢王去卑之

後劉元海之族也并衆數萬自稱天王大單于以匈奴夏后氏之苗裔偕稱大夏令曰古之氏族無常王者繫天為子是為徽赫實為天連改姓曰赫連氏庶協皇天之意支庶以鐵伐為氏庶朕宗族子孫剛銳如鐵皆堪

人兗州刺史悅之女年十四適爾綿氏冊拜魯城縣君

遷濟陰郡君又遷廣成國夫人肅恭令淑儀範賢才四

德有耀三星增輝三公夫人見於斯矣

四德謂婦德婦言婦容婦功也

國風綢繆云三星在戶

建德元年十二月亡春秋五十有八二年

正月歸於高司之塋劉荊州之墓合葬於襄水之陽

劉荊

州劉表也後漢書注引代語曰表死後八十餘年晉太康中冢見發表及妻身形如生芬香聞數里又從征記

曰劉表冢在高平即表之子瑜擣四方香珍香數千斛著棺中蘇合消疾之香莫不畢備永嘉中郡人發其墓

表而如生香聞數十里衛將軍之陵同穴於廬山之下漢書曰衛青拜大將

軍青尚平陽主與主合葬起冢象廬山嗚呼哀哉世子岌使持節儀同大

將軍領兵部大夫純孝事親忠貞事國禮義自立聲名

有馬銘曰

軒臺受氏若水降居西城仲胤北陸寘餘言段氏之先本黃帝之子

昌意之後姬姓其在鄭國春秋時有共叔段為京城大叔段為武姜少子莊公之弟政云仲胤北陸寘餘謂段

假撫軍大將軍也北陸北方之總名也
匹碑本鮮卑人父務勿塵為單于匹碑
山川雄烈風俗

扶疎昔我關塞汭襲干戈

言恨仕魏為黃龍鎮將也本傳言曾祖序云曾祖提疑恨

是其高時遭拔本世值橫波北封代郡東據遼河

言北魏盛

時儒為平東將軍持節燕恒朔三州也左氏傳曰拔本塞源漢書地理志云代郡秦置屬幽州遼西郡遼東郡

秦置屬幽州遼陽大梁水西南至遼陽入遼云北封代郡東據遼河者儒為恒州刺史持節燕恒朔三州按魏

地形志及隋書地志魏太和中分恒州東部置燕州恒山本恒山郡隋志馬邑郡舊置朔州本漢五原郡後魏

置懷朔鎮及朔州此三州之地在燕代之間遼陽在東也地未平一天猶薦瘥我公

重光繼文踵武

言魏正光末六鎮擾亂永遂於此時立功也逸書曰地平天成又老子曰地得

一以寧詩曰天方薦瘥我公謂段永也楚辭
曰及前王之踵武王逸曰踵繼也武跡也
總牧三蕃

兼治六輔雅俗觀風都亭待雨

謂永歷任諸州軍事及諸州刺史也漢書曰兒

寬表奏開六輔渠韋昭曰六輔謂京兆馮翊扶風河東河內河南也師古曰溝洫志云兒寬為左內史奏請穿

六渠以益溉鄭國旁高印之田於鄭國渠上流南岸更開六道小渠以補助灌溉耳渠在雍州雲陽三原兩縣界

鄉人名曰六渠亦號輔渠故河渠書云闕內則輔渠靈軹是也任昉曰六輔殊風文選李善引韋昭注此云六

輔亦引韋氏之義也禮記曰太師陳詩以觀民風謝承後漢書曰鄭弘為淮陰太守消息繇賦政不煩苛行春

大旱隨車致雨不逢問吏無聞桴鼓表宏後漢紀曰劉寵為會稽太守郡中大治徵入為

將作大匠山陰父老共往送寵曰山谷老生未嘗到郡縣他時吏發不去民間或狗吠竟夕民不得安自明府

下車以來吏稀至民間狗不夜吠第五種拜高密侯相
是時徐兗二州盜賊羣單種皆大階糧勤厲吏士賊
聞皆憚之桴鼓不鳴流民歸者歲
終不止數千家桴擊鼓杖也音夫
公以載世挺此令聞

孝有三德忠惟一君馬陵釋患聊城解紛

左傳成七年云會武陵杜

預曰魏郡元成縣東有地名馬陵史記曰龐涓死處聊城解紛田單事注已見

兵防滿月戰避

迎雲長松都尉細柳將軍

漢書匈奴傳曰匈奴舉事常隨月盛壯以攻戰月虧則退

兵續漢志曰雲如壞山謂營頭之星也占曰營頭之星所墜其下覆軍殺將血流千里後漢郡國志廣漢屬國都尉水經注云漢永初三年置白馬水出長松縣東北注白水又東逕陰平漢書曰周亞夫為將軍居細柳既收淮海且蕃恒代高壁負關長亭穿塞
謂永任徐州恒州刺史諸

州軍事也左傳杜注曰壁壘也漢官儀曰秦法十里一長亭

壘鼓司盟

開

此處

脫四字左傳僖三十三年孟明猶首曰君之惠不以
壘臣壘鼓社預曰殺人以血塗鼓謂之壘鼓壘計親反

吏不能欺兵無敢背玉關遺矩汾海留愛

說文曰壘血
登也應劭曰

殺牲以血塗鼓曰壘玉關遺矩謂為瓜州刺史瓜州
燉煌玉門關是也汾海留愛謂為南汾州刺史也

大

將受冊公昇其壇六卿咸事公貳其官

大將昇壇韓信
事謂投使持節

大將軍也六卿咸事者
承為小司寇故云貳矣
夷陵燒楚上黨分韓營軍叅合

校戰臯蘭

史記曰秦將白起伐楚拔郢燒夷陵漢書地
理志曰上黨本韓之別郡也遠韓近趙後卒

降趙皆趙分也史記韓王信傳曰秦將軍屠蘇合斬韓
王信蘇林曰叅合代地也正義曰故城在朔州定襄縣

北地理志曰代郡有叅合縣水經注曰道人城北五十里
有叅合鄉故縣也漢書霍去病傳曰合短兵塵車蘭

下師古曰
山名也
年深厲起福過災生上台裂岳次將傾星傷

卒也庚亮讓中書監表曰小人祿薄福過災生上赤地
台三台也次將文昌中星名言永死上應列宿也

疑作
悲淚白虎哀鳴懸弓靈幕繫馬寒垆
赤地丹旄也
地雅曰鹿地也

曰旒陳留風俗傳曰沛公起兵野戰喪皇妣於黃鄉天
下平定乃使使者以梓宮招魂幽野有丹地在自洒

濯之入於梓宮其浴處有遺髮馬故諡曰昭靈夫人水
經注引此作丹旒矣干寶搜神記曰王業字子香漢和

帝時為荊州刺史每出行部沐浴齋素以祈於天地富
啓佐悉心無使有枉百姓在州七年惠風大行苛慝不

作山無豺狼卒於湘江有二白虎低頭曳尾宿衛其側
及喪去虎踰州境忽然不見氏共為立碑號曰湘江白

虎墓爾雅曰煙凝不動泉凍無聲天子愴然追於贈諡
林外謂之垆

禮官賜冊陪陵受地

謂帝臨喪冊贈追諡更受葬地也

印綬曰策衣衾

曰燧立窆就列黃腸在位

漢書曰張安世薨天子贈印綬送以輜車介士毅梁傳曰

衣衾曰燧何休云燧猶遺也以衣服可以贈人因謂衣服為燧周禮鄭注曰窆葬下棺也漢書音義曰以柏木

黃心為椁曰黃腸也

自此何世從茲幾春樹為櫨社陵成谷神詎

知雲閣名在功臣

櫨社疑即櫨社莊子曰匠石之齋見櫨社樹觀者如市按莊子以此木得

終天年此云墓樹長之也老子曰谷神不死注云谷養也神謂五臟之神人能養其神炁則長生不死此云陵

成谷神者言死而不朽視彼丘陵有如生年也雲閣漢書所謂雲臺是也臺閣通稱矣

周車騎大將軍賀婁公神道碑

昔者軒丘命氏初分兄弟之姓若水降居始建諸侯之

國

序張氏之先也按姓譜自軒轅子少昊第五子揮觀

孤星始造弓矢為弓正主祀孤世掌其職為張氏軒

丘命氏若國語所云黃帝之子十四姓也注見齊王憲

碑若水降居昌意事注見段承碑言張氏本黃帝之後

也自是以官為族因地為宗水派枝分其可知矣以官

也本姓張清河東武城人也仕於周張仲為孝友謀於晉

張彥為賢臣小雅六月之詩曰侯誰在矣張仲孝友箋

仲字其人孝故稱孝友矣春秋晉有張氏世為大夫左
傳成十八年曰張老為侯奄國語云使張老延譽於四
方且觀道逆者是也襄三年悼公以張老為中軍司馬
至襄十六年平公即位以其子張君臣代之其後張氏
累見於傳張彥疑即張老爾推曰美士為彥
彥士之美稱故曰張彥若漢書魏倩汲直直矣 韓有開地

則五世稱強一作強國趙有孟談則三卿不戰漢書曰張良其先韓人大

父開地相韓昭侯宣惠王襄哀王父平相釐王悼惠王
秦滅韓良求刺客刺秦王為韓報仇以五世相韓故師古

曰從昭侯至悼惠王凡五君戰國策曰張孟談陰見韓
魏之君故守隄吏決水灌智伯智伯軍亂擒智伯身死

國分為三三卿韓趙魏也 祖慶少習邊將憑仗智勇雖復五車竹簡

不取博士之名一卷兵書即以將軍自許莊子曰惠施其書五車其

道蹟馭漢書藝文志稱兵書有姪一篇又有兒良一篇
廣武君一篇丁子一篇項王一篇太壹兵法一篇鵝治
子一篇孟子一篇圖一卷鮑
子兵法圖一卷苗子圖一卷
角端在手必無齊魯之侵

蓮花插腰甚得蛟龍之氣

司馬相如上林賦曰獸則麒麟角觶郭璞曰角觶音端似

猪角在鼻上堪作弓李陵嘗以此弓十張遺蘇武也毛
詩疏云角端有肉張揖曰角端似牛角可以為弓齊魯
之侵引史記曹沫事注見步陸碑蓮花劍也越絕書曰
越王取純鈎薛燭望之其花梓如芙蓉蛟龍之氣即雷
煥張華云豐城劍氣
也後劍化為龍矣
為車騎大將軍儀同三司散騎常

侍霸城縣開國伯贈河州刺史

隋志京兆太興有後魏杜城縣西霸城縣父

璨公子公孫有鎡基於天下良弓良冶有世業於家風

孟子曰雖有鎡基不如待時賈逵曰鎡基稱也列
子曰良弓之子必先為箕良冶之子必先為裘 書則

百家可知劍則千人可敵三槐以鼂鼎象物知其神奸

五等以桓珪班瑞守其宮室君以才望兼而有之

周禮曰三

槐三公位焉左氏傳曰昔夏之方有德也遠方國物貢金九牧鑄鼎象物使人知神姦爾推曰鼎絕大謂之鼂周禮曰上公之禮執桓珪鄭云雙植謂之桓桓宮室之象所以安其工一終於使持節車騎

大將軍儀同三司散騎常侍武定縣開國公贈河州刺

史惟公秉山岳之靈受星辰之氣年在髻髮甫就勝衣

後漢光武紀曰今皇子賴天能勝衣趨拜竹馬來迎已知名於郭伋羊車在

道即見賞於王澄

後漢書曰郭伋在并州素給恩德及後入界所到縣邑老幼相攜始至行

部到西河美稷有兒童數百各騎竹馬道次迎拜晉書曰衛玠字叔寶總角乘羊車入市見者皆以為玉人觀

之者傾都瑯邪王澄有高名少所推服每聞玠言輒嘆息絕倒故時人為之語曰衛玠談道平子絕倒 豈

直童子明經書生說卦而已

後漢書曰臧洪年十五以父幼拜童子即注云漢法

孝廉試經者拜為郎洪以年幼才俊故拜童子即續漢書曰左雄奏徵海內名儒為博士使公卿子弟為諸生

有志操者加其俸祿及汝南謝連河南趙建章年始十二各能通經雄並奏拜童子即於是負書來學雲集京

師也秉山岳之靈至 至如禪河清論秋水高談故以辨而已言張慈幼敏也

折窺林聲馳鹿野

釋法顯傳曰恒水東南流逕拘夷那竭國南城北雙樹間有希連禪河世

尊於此北首般泥沮分舍利處莊子有秋水篇龜林注
詳齊王碑本句經稱龜頭尾四足以喻六塵長阿含經
曰毗婆尸如來於槃頭城鹿野苑中轉無上法輪城內
四千人往詣鹿野苑中毗婆尸佛所頭面禮足即於座
上遠離塵垢
得法淨眼 國家官族君為首姓起家車騎大將軍儀

同三司襲爵為公增邑合一千六百戶弱冠登朝傳呼

甚寵漢書蕭望之傳曰下漢魏台鼎故無此比中朝方

伯罕有其年大冢宰任總機衡是勤王略惜君忠壯委

以爪牙大冢宰晉國公護也周書武帝紀云保安元年

於天官晉起居注曰元康元年詔曰司徒王渾文武勳
庸著在方策宜參弼機衡以亮天工其可錄尚書事也

左傳成二年曰侵敗王略杜預曰略經略法度也又成十二年傳卻至曰略其武夫以為己腹心股肱爪牙杜云為搏噬之用也漢書武帝詔曰將軍者國之爪牙也乃領左廂親信出為梁州

防主

隋書地志梁州在禹貢自漢川以下諸郡皆其封域周時以併雍部及漢又析置益州又曰漢川郡

舊置梁州

華陽西極漢水東流巴濮既寧沉黎即靜

言梁州之地也

禹貢曰華陽黑水惟梁州又云嶓冢導漾東流為漢左傳昭九年曰巴濮楚鄧吾南土也正義曰土地名云巴巴郡江州縣也建寧郡南有濮夷地漢書曰武帝元鼎六年定西南夷置沉黎郡臣瓚曰茂陵書沉黎治笮都去長安三千三百五十五里領縣二十一**保定四年王師北伐以君驍勇被**

名將兵師下宜陽身登函谷

括地志云故韓城一名宜陽城在洛州福昌縣東十

四里即韓宜陽縣城也函谷關名西征記曰函谷右絕岸十丈中容車而已周書保定五年改函谷關為通洛

防將燒白馬之城以覆烏巢之壘桑欽水經曰汜水東

馬鄴元注瀘水又南逕張魯治東水西上有張天師堂庚仲雍謂山為白馬塞室為張魯治東對白馬城一名

陽平關亦云瀘口城矣魏志張魯傳云太祖自散關出武都征之至陽平關魯欲舉漢中降聞陽平已陷乃奔

南山入巴中左右欲悉燒寶貨倉庫魯封藏而去曹瞞傳曰官渡之戰許攸曰公孤軍獨守外無救援而巢穀

已盡此危急之日也今袁氏輜重有萬餘乘在故市烏巢屯軍無旅備今以輕兵襲之不意而至燔其積聚不

過三日袁氏自敗也既而中塗甚雨未獲圍原軍師聞喪不成侵

宋言伐齊之師無功也周書武帝紀云保定四年十月詔大將軍大冢宰晉國公護率軍伐齊拔總大軍出

潼關大將軍權景宣率山南諸軍出豫州少師楊榘出
枳關十一月柱國蜀國公尉遲迥圍洛陽柱國齊國公
憲營於邛山晉國公護次於陝州十二月齊豫州刺史
王士良以州降齊師渡河晨至洛陽諸軍驚散尉遲迥
麾下數十騎扞敵得却至夜引還柱國庸國公王雄力
戰死之遂班師楊榘於枳關戰沒權景宣亦棄豫州而
還五年春正月甲申朔廢朝以庸國公王雄死王事故
也左傳僖二十五年云晉侯圍原命三日之糧原不降
命去之左傳圍原無遇雨之文五張寺碑銘云有兩圍
原及此篇皆云遇雨是所未詳疑此原字即爾雅高平
曰原之原蓋郊外通稱與下侵宋借對非謂原邑也六
韜云武王伐殷兵行之日大雨左傳僖十九年云衛伐
邢師興而雨此皆師出有功者也左傳襄十八年云楚
師伐鄭涉於魚鼈之下甚雨及之楚師多凍後徒幾盡
此無功之師今周師伐齊無功又將士多棄軍戰沒疑
是引楚伐鄭之事又按左傳弦高稱鄭有原圃社云榮

陽中牟縣圃田澤也豈以鄭圃有原圃之名得稱圃原耶史記宋世家曰文公元年晉率諸侯伐宋責以弑君聞文公定立乃去在春秋文十六年十一月經云宋人弑其君杵臼十七年晉人衛人陳人鄭人伐宋諸侯會于扈左氏傳曰晉荀林父衛孔達陳公孫寧鄭石楚伐宋討曰何故弑君猶立文公而還卿不書失其所也晉侯蒐于黃父遂復合諸侯平宋也公不與會齊難故也書曰諸侯無功也杜預曰昭公雖以無道見弑而文公猶宜以弑君受討荀林父伐宋以失所稱人晉侯平宋以無功不序刺欲平宋而復不能也今晉公獲等伐齊無功其猶失所稱人之例與

柱國趙王今上之第九弟也文則河間

上書武則任城置陣

周書文帝十三子傳云趙僭王招字豆盧突幼聰博涉羣書好屬文

學庾信體詞多輕艷武成初進封趙國公保定中拜為柱國建德中進爵為王漢書曰河間獻王脩學好古實

事求是從民得善書必為好寫與之留其真加金帛賜以招之由是四方道術之人不遠千里或者先祖舊書多奉以奏獻王者故得書多與漢朝等武帝時獻王來朝獻雅樂對三雍宮及詔策所問三十餘事其對推道術而言得事之中文約指明立二十六年薨魏志曰任城威王彰字子文少善射御膂力過人手格猛獸不避險阻數從征伐志意慷慨太祖課彰讀詩書彰謂左右曰丈夫一為衛霍將十萬騎馳沙漠驅戎狄立功建號耳何能作博士耶太祖常問諸子所好使各言其志彰曰好為將太祖曰為將奈何對曰被堅執銳臨難不顧為士卒先賞必行罰必信太祖大笑代郡烏丸反以彰為驍騎將軍大破之斬獲千數大賜將士無不悅喜時鮮卑大人軻比能將萬騎觀望強弱見彰力戰所向皆破乃請服北方悉平時太祖在長安召彰詣行在所彰自代過鄴太子謂彰曰卿新有功今西見上宜勿自伐應對常若不足者彰到如太子言歸功諸將太祖喜持

欽定四庫全書

庚子山冊
卷十四

彰鬚曰黃鬚兒竟大奇也
黃初三年立為任城王

作鎮岷丘揚旌一作錦水白

虎之俗難安黃龍之盟不定

周書趙王招傳云出為益州總管是也周書武帝紀

云保定二年十一月以趙國公招為益州總管岷丘岷山也山海經曰岷山江水出焉華陽國志曰錦江織錦濯其中色鮮明又曰秦昭襄王時有一白虎常從羣虎藪遊秦蜀巴漢之境傷害千餘人有巴郡閬中人作白竹之弩射殺白虎昭王嘉之而以其尸人不欲加封乃刻石為盟要復尸人秦犯尸輸黃龍一雙尸犯秦輸清酒一鍾尸人安之難安不定謂須參佐也以君智略入佐中權左氏傳曰中權後勁天

和元年授使持節大都督治柱國總府司錄仍轉司馬
餘官封如故相如西喻鑿石於靈山武侯南征浮船於

瀘水方之今日彼獨何人

漢書曰上遣司馬相如賁唐蒙等因喻告巴蜀民相如使

略定西南斥邛笮舟馳斯榆之君皆請為臣妾除邊關

邊關益斥西至沫若水南至牂牁為檄通靈山道橋孫

水以通邛笮張揖曰鑿開靈山道置靈道縣蜀志曰諸

葛亮五月渡瀘深入不毛注云漢書地理志曰瀘惟水

出牂牁句萌縣九品課工為上之下謂為司馬四年入朝歸事

宰旅即受載師大夫將命齊國尋盟出境即用和鄰之

儀入國聞喪仍從會葬之禮左傳襄二十六年曰韓宣子聘於周王使請事對曰

晉士起將歸時事於宰旅無他事矣杜注云禮諸侯大夫

夫入天子國稱士時事四時貢職宰旅冢宰之下士言

獻職貢於宰旅不敢斥尊史記曰平原君與楚合從毛

遂捧銅盤而跪進之楚王遂定從而歸左傳文六年曰

秋季文子將聘於晉使求遺喪之禮以行其人曰將焉用之文子曰豫備不虞古之善教也八月晉襄公卒按周書武帝紀天和三年十二月齊武成帝薨四年春正月辛卯朔廢朝以齊武成薨故也遣司會河陽公李綸等會葬於齊仍弔賻焉是賀妻慈時將命齊國從會葬之禮也

可使南面

出論語

此之謂

乎尋以本官入治軍正至如渭水兵書在心為志軒丘

陣法聚石成圖既得師不疲勞兵無怨讟

渭水兵書太公兵法也太

公鈞於渭水故云史記留侯傳正義曰太公兵法一表三卷太公姜子牙周文王師封齊侯也軒丘陣法黃帝兵符也史記曰黃帝名曰軒轅皇甫謐云居軒轅之丘因以為名正義曰龍魚河圖云天遣玄女下授黃帝兵符左氏傳曰

君無怨讟 入陪中禁更領儀同即舍城池門關戶籍

咸資巡警並用司存帝城近臣公室密戚如逢司隸似

畏都官

後漢書東海公陽對曰河南帝城多近臣南陽帝鄉多近親司隸都官注見崔說碑既而

孤城鄭姬不相其年巴水涪翁不醫其疾

吳錄曰吾梨生數歲孤城

姬相之謂其母曰兒有卿相之骨又曰皇象工書嚴武
圍碁宋壽占夢嘗不與善畫孤城鄭姬能相人及吳範
劉惔趙達八人世稱妙謂之八絕云見吳志注後漢書
方術傳曰有父老不知何出常漁釣於涪水因號涪翁
乞食人間見有疾者時下鍼石輒應時而效乃著鍼經
診脉傳於世郡國志曰巴郡涪陵出丹注巴漢志曰涪
陵巴郡之南鄙從春秋三十有三奄捐官舍呂子明之

積南入折丹涪水

疾甚嘆軫吳王阮元瑜之長逝悲深魏主

吳志曰呂蒙字子明汝南

欽定四庫全書

卷十四

富陵人也獲荊州為南郡太守封孱陵侯蒙疾發孫權時在公安安置內殿所以治護者萬方募封內有能愈蒙疾者賜千金時有鍼加權為之慘戚心欲數見其顏色又恐勞動常穿壁瞻之見小能下食則喜顧左右言笑不然則咄喑夜不能寐病中瘳為下赦令羣臣畢賀後更增篤權自臨視命道士於星辰下為之請命年四十二遜卒於內殿時權哀痛甚為之降損魏志曰陳留阮瑀字元瑜瑀以十七年卒文帝與元城令吳質書曰元瑜書記翩翩致足樂也又云昔伯牙絕絃於鍾期仲尼覆醢於子路痛知音之難遇傷門人之莫逮也諸子但為未及古人亦一時之偶也此皆悲傷之詞有詔贈某官禮也以建德四年

三月日歸葬於河州苑川郡之禁山公六郡良家西河

鼎族地壯金行人雄塞氣

漢書曰以六郡良家子給選羽林史記正義曰河在冀州

西故云西河黃帝素問曰西方者金玉之
城沙石之處其人山居而多風水土剛強
兵書七卷河

水浮來射法三篇天弧夜下
兵書七卷河水浮來未詳
漢書藝文志有楚兵書七

篇又有李將軍射法三篇史記天官
書注曰弧九星在狼東南天之弓也
鋒旗不息刁斗恒

驚
鋒旗疑作蜂旗左傳哀二年曰鄭人擊趙簡
子得其蜂旗漢書曰李廣不擊刁斗以自衛猶得馬

上讀書軍中習禮
吳書曰魯肅雖在軍陣手不釋卷東
觀漢記曰祭遵雖在軍旅不忘俎豆

太史子義善於謀策諸葛公休長於撫馭
吳志曰太史
慈字子義東

萊黃人也北海孔融為賊管亥所圍慈到平原說劉備
遣精兵三千人隨慈賊聞兵至散走孫策拜折衝中郎

將劉繇亡豫章士眾萬餘人未有所附策命慈往撫安
焉劉表從子磐驍勇數為寇於艾西安縣策以慈為建

昌都尉治海昏并督諸將攻磐磐絕迹不復為寇孫權
統事以慈能制磐遂委南方之事魏志曰諸葛誕字公
休瑯邪陽都人也傾帑藏賑施以結衆心厚養親附及
陽州輕俠者數千人為死士及反後皆曰為諸葛死不
恨其得人

四代儀同三司七世河州刺史

按本序祖慶
為儀同三司

河州刺史父粲亦為儀同三司河州刺史
此言四代七世是高曾以上世授此職也

鍾鼎成列冠

蓋連陰所謂生為貴臣死為貴神者也

左傳用物精多
則鬼鬼強是以

有精爽至於神明家語云
生為上公死為貴神者也

但以遊魂之客反莫途遠道

阻山長妻孤子幼哀聲滿野愁氣連雲况復松檟飄颻

方臨武威之戍丘陵迴遠直對臨洮之城

任彦升為范
始興作表云

松欖成行漢書地理志曰武威郡故匈奴休屠王地武帝太初四年開臨洮屬隴西郡洮水出西羌中北至袍罕東入河師古

馬援亡於武溪尸柩返於槐里梁鴻死

於會稽妻子歸於平陵

後漢書曰馬援字又淵扶風茂陵人也援在交趾常餌薏苡實

用得輕身省慾以勝瘴氣運載之一車及卒後有上書譖之者以為前所載皆明珠文犀益怒援妻懼不敢以喪還舊塋裁買城西數畝地藁葬而已兄子嚴與妻子草索相連詣闕請罪上書訴冤同郡朱勃詣闕上書奏報歸田里崔豹古今注曰武溪深乃馬援南征之所作也援門生爰寄生善吹笛援作歌以和之名曰武溪深其曲曰滔滔武溪一何深鳥飛不度獸不能臨嗟哉武溪多毒淫按馬援扶風茂陵人漢書地理志曰扶風即茂陵師古曰黃圖云本槐里之茂鄉後漢書曰梁鴻字伯鸞扶風平陵人也卒伯通等求葬地於吳要維冢傍

咸曰要離烈士而伯鸞清高
可令相近莫畢妻子歸扶風
嗚呼哀哉崎嶇遠矣昔

者繁昌祠前即有黃金之碣德陽墓下猶傳青石之碑

魏志曰繁昌縣授禪石碑中生金表送上羣臣皆賀水
經注云魏書國志曰文帝以漢獻帝延康元年登禪改
元黃初以潁陰之繁陽亭為繁昌縣城內有三臺時人
謂之繁昌臺壇前有二碑昔魏文帝禪於此自壇而降
曰舜禹之事吾知之矣故其石銘曰遂於繁昌築靈臺
也於後其碑六字生金論者以為司馬金行故曹氏六
世遷魏而事晉也華陽國志曰德陽縣有青石祠山原
肥沃有澤漁之利士女貞孝望山樂水土地易於生事
車騎將軍鄧芝雅有
終焉之志遂葬其山
是謂勒功乃為銘曰

七葉佐漢五世相韓

漢書曰金日磾張安世皆七代任
漢左太冲詠史詩曰金張藉舊業

七葉弭金貂漢書忠臣入仕孝友當官忠臣謂良忠於韓入仕漢也詩

曰張仲 青城仙洞黃石祠壇仙傳拾遺曰嵩山史晉時人也世說曰嵩山北有大

穴莫測其淺深百姓每歲遊觀其上史嘗悞墮穴中同

數盆白飲墮者告以飢渴碁者與之飲飲畢氣力十倍

碁者曰汝欲留此否曰不願停碁者教云從此西行數

龍見史輒避其路於是隨井而行井中物如青泥而香

華華曰此仙館丈夫所飲者玉漿所食者龍穴石髓子

山有洞穴分為三道西北通崑崙茅君傳云青城是第

十里得至馬按此張華知之是謂張華也漢書張良傳曰良始所見下邳圯上父老與書者後十三歲從高帝從濟北果得穀城山下黃石取而寶祠之及良死并葬黃石每上冢伏臘祠黃石

臺堪走馬書

足迴鸞

漢書曰張敞走馬章臺街衛恒四體書勢曰弘農張伯英臨池學書池水盡黑章仲將謂之草

聖伯英弟文舒次伯英索靖草書狀曰蓋聞草書之為狀也婉若銀鉤漂若鸞鸞已上皆言張氏之先也武

定風颭霸城嚴肅並馳雙傳俱分兩竹

謂父璆為武定縣開國公祖慶

為霸城開國伯也漢書音義曰舊出入闕皆用傳傳煩因裂襦帛分持後復出合之以為符信漢書文帝紀曰初與郡守為銅虎符竹使符師古曰與郡守為符合分其半右留京師左以與之雙傳兩竹言璆父子二人也

重世刺舉連鑣袞服草靡青丘風馳赤谷

亦謂璆父子也草靡風馳

言能服遠也十洲記曰長洲一名青丘在南海漢書西域傳曰烏孫國大昆彌治赤谷城去長安八千九百里

世不乏賢挺茲上嗣孝有三德忠無二志

謂祖父有此世德故生賢

嗣指張慈也

劍足身挺書堪面試

列子曰宋有簡子者以技干宋元君美七劍送躍五

劍常在空中原君大驚立賜金帛魏志曰陳思王植善屬文太祖嘗視其文曰汝倩人耶植跪曰言出為論下筆成章顧當面試奈何倩人旌節既秉高蟬且珥龜轉印函蛇盤綬

笥

蔡邕獨斷曰太尉已下惠文侍中珥貂蟬漢書百官公卿表曰凡吏秩比二千石以上皆銀印青綬師古

曰漢舊儀云銀印背龜紐其文曰章謂刻為某官之章也後漢書方術傳曰許曼桓帝時隴西太守馮緄始拜郡開綬笥有兩赤蛇分南北去緄令曼筮之卦成曼曰三歲之後君當為邊將官有東名當東北行三十里後五

年更為大將軍南征出為遼東太守討鮮卑後拜車騎將軍擊武陵蠻賊皆如占按筭以竹為之禮記鄭注云

圓曰筭左右將軍前後常侍繼踵五侯因循三事漢書曰前

後左右將軍皆周末官秦因之位上卿金印紫綬漢不常置或有前後或有左右皆掌兵又元后傳曰河平元

年上悉封舅譚為平阿侯商成都侯立紅陽侯根曲陽侯逢時為高平侯五人同日封故世謂之五侯

旃九坂艦舳雙流還驅木馬更引金牛謂鎮益州也九坂九折坂漢書

王陽所畏道也滿泚志曰於蜀則蜀守李冰鑿離隼穿二江成都中此渠皆可行舟蜀都賦云帶二江之雙流

是也蜀志曰建興十年諸葛亮休士勒農於黃沙作流馬木牛畢教兵講武水經注曰蜀志云秦惠王欲伐蜀

而不知道作五石牛以金置尾下言能屎金蜀王負力令五丁引之成道秦使張儀司馬錯尋路滅蜀因曰石

斗江波錦落火井星浮樽酒望帝安歌蜀侯

江波錦落
錦江也注

已見博物記曰有火井深二三丈在縣南百里以竹木
投取火後人以火燭井中火即絕滅不然華陽國志曰
七國時杜宇稱帝於蜀號望帝戰國策秦伐蜀取之遂
定蜀蜀主更號為侯而使陳莊相蜀蜀既屬秦益強富
厚輕
受服河陽偏師洛浦置陣成臯連旗廣武

謂東征
齊國也

左氏傳曰戎有受服河陽洛浦謂河南洛浦也隋志云
河南郡洛陽縣後周置東京六府洛州總管漢書高帝
紀曰四年漢王引兵渡河復取成臯軍廣武孟康曰於
滎陽棊兩城而相對名為廣武城在殿倉西三室山上

朝兵減竈夜營多鼓箭麗

一作起

六麋鋒摧九虎

減竈戰
國孫臏

事注已見左氏傳析公曰若多鼓均聲以夜軍之楚師
必適又曰樂伯射麋麗龜晉魏錡如楚致師潘黨逐之

及榮澤見六麋射一麋以頭獻漢書王莽傳曰莽拜將軍九人皆以虎為號號曰九虎後漢書馮衍傳曰皇帝率苑葉之衆推九虎之軍倏忽人世俄然今古崇發兩星醫驚二賢

左氏傳曰晉侯有疾卜人曰實沈臺駘為祟于產曰昔高辛有二子長曰閼伯季曰實沈帝遣閼伯於商丘主辰遷實沈於大夏主參則實沈參神也又成十年傳云晉侯疾病求醫於秦秦伯使醫緩為之未至公夢疾為二鬻子曰彼良醫也懼傷我馬逃之其一曰居育之上膏之下若我何醫至曰疾不可為也在育之上膏之下攻之不可達之不及藥不至馬不可遊魂通夢言返舊為也公曰良醫也厚為之禮而歸之

瑩紫泥賜冊黃腸贈行

言慈卒於官歸葬河州也後漢書曰溫序死葬洛陽長子壽

夢序告曰久客思鄉里壽上書乞骸乃反葬舊瑩馬西京雜記曰中書以武都紫泥為璽室加綠鮮其上黃腸

漢書張安世事
注云柏木棺也

途登石紐路入金城

吳越春秋曰鯀娶有莘之女得薏苡

而吞之意若為人有感因而妊孕剖脅而產高密家於西羌家於石紐石紐在蜀西川也漢書地志曰金城郡

高帝六年置應劭曰初築石得金故曰金城臣瓚曰稱金取其堅固也故墨子曰雖金城湯池

寒關樹

直秋塞雲平劔埋合柱書藏鑿楹

埋劔干將莫邪子赤比事鑿楹晏子事注

皆見司馬商碑

武侯為廟藥公為社

二語注見拓拔儉碑

雲蓋低臨霓裳

紛下碑枕金龜松橫石馬

楚辭曰雲為蓋兮霓為裳漢舊儀黃金龜紐此借稱龜趺

水經注曰睢水東逕石馬亭西有漢故伏波將軍馬援墓

永矣身世留名華夏

周上柱國宿國公河州都督普屯威神道碑

公諱威字某河南洛陽人也舊姓辛周書有辛威傳隴西人基

若水之源纂商丘之胄邑於大亳實定其居封於小辛

乃成其姓

序辛氏之先也辛氏本姒姓史記曰夏禹之後用國為辛氏其後有辛甲為周太史左傳

所謂命百官官箴王闕者也劉向別錄曰辛甲事紂七十五諫而不聽去之周文王以為公卿封之長子故周有辛氏後枝流於晉矣又按辛氏為莘國變姓故湯妃為有莘之女晉侯登有莘之虛括地志曰國在陳留水經注謂邑本郟縣今子山所引大亳小辛皆殷之名號且商丘又相土所因豈其子姓之苗裔耶史記曰黃帝子昌意降居若水娶蜀山氏女生高陽有聖德馬左傳襄九年曰閼伯居商丘祀大火相土因之故商主大火杜注云相土契孫商之祖也始代閼伯之後居商丘亳殷所都也毛詩正義曰殷有三亳二在梁國一在河洛

之間穀熟為南亳即湯都也蒙為北亳即景亳是湯所
受命也偃師為西亳即盤庚所徙者也立政之篇曰三
亳阪尹是也殷本紀曰盤庚崩小辛立是
子姓有小辛之號以辛成姓所未詳矣 是以三川被

髮辛有得見事之機八卦占交辛廖有知人之鑿

左傳
僖二

十三年曰初平王之東遷也辛有適伊川見被髮而祭
於野者曰不及百年此其戎乎其禮先亡矣應劭曰三
川今河南郡韋昭曰三川河伊洛也又閔元年傳曰畢
萬筮仕於晉辛廖占之曰吉杜預曰辛廖晉大夫也

佐治以東都上將魏帝解衣武賢以西國功臣漢王推

轂

魏志曰辛毘字佐治潁川陽翟人也其先建武中自
隴西東遷毘隨兄評從袁紹太祖為司空辟毘毘不

得應命及袁尚攻譚於平原譚使毘詣太祖求和太祖
大悅許譚平次於黎陽明年攻鄴克之表毘為議郎文

帝踐祚遷侍中賜爵關內侯帝欲徙冀州士家千萬戶實河南時連蝗民饑羣司以為不可而帝意盛莫敢言

毘曰陛下欲徙士家其計安在帝曰卿謂我徙之非耶

毘曰誠以為非也帝曰吾不與卿共議也毘曰陛下不

以臣不肖置之左右廁之謀議之官安得不與臣議耶

臣所言非私也乃社稷之慮也安得怒臣帝不荅起入

內毘隨而引其裾帝遂奮衣不還良久乃出曰佐治卿

持我何太急耶毘曰今徙既失民心又無以食也帝遂

徙其半漢書曰辛武賢自羌軍還後七年復為破羌將

軍征高孫至敦煌後不出徵未到卒子慶忌至大官大

將軍王鳳薦忌曰父破羌將

軍武賢顯名前世有威西昆

祖大

汗魏渭

州刺史

周書本傳云父

考生河州四面總管大都督

都督及威著勲追贈大

隴右貴臣河西鼎族公侯踵武

將軍涼甘等五州刺史

岳牧連鑣

言為隴西大族世為公侯四岳十二牧見尚書

並得聲振長榆名雄

高柳

如淳曰長榆塞名王恢所謂樹榆以為塞者也地理志云代郡高柳西部都尉治

公秉靈

山岳載誕星辰結髮嶷然齟年成德澄波萬頃建標千仞

鋒穎既高光芒已遠

世說郭林宗曰叔度汪汪如萬頃之波澄之不清擾之不濁孫綽遊

天台賦云赤城霞起以建標注引會稽記云懸溜千仞謂之瀑布

青衿學劍既為人主

所稱童子論兵即佐中軍之策

毛萇曰青衿青領也學子之所服左傳成十六

年鄢陵之戰云楚晨歷晉軍而陳軍吏患之范句趨進曰塞井夷竈陳於軍中而疏行首晉楚唯天所授何患焉文子執戈逐之曰圍之存亡天也童子何知焉 永熙四年入仕蒙授直盪都

督

本傳云威少慷慨有志略初從賀拔岳征討有功假輔國將軍都督是也

太祖文皇帝雪

舊君之恥連西伯之功始裂鴻溝初登函谷

此下言周太祖統賀

拔之東逆用威也割鴻溝登函谷謂虓駕西遷與高氏分東西魏矣

公擢衣沐髮杖劍轅

門撤洗足而相迎下賓階而顧問

漢書曰沛公至高陽傳舍使人召鄒食其

食其至入謁沛公方踞牀令兩女子洗足而見食其食其長揖不拜曰必欲聚徒合義兵誅無道秦不宜踞見長者於是沛公輟洗起衣延食其上坐禮記曰主人就東階客西階若降等則就主人之階史記信陵君傳曰趙王掃除自迎執主人之禮引公子就西階自此即居帳內仍為直寢授寧

遠將軍羽林監白土縣開國伯邑五百戶

本傳云太祖統徵之衆見

威奇之引為帳內尋授羽林監封白土縣伯邑五百戶
漢書地理志云上郡有白土縣園水出隨志云北地郡
新平舊曰白土
西魏置幽州
大統元年從迎大駕本傳云從迎魏武因攻回洛城功居

最大統元年
拜寧遠將軍
進爵為侯增邑三百戶加冠軍將軍散騎

常侍轉大都督公善於用兵長於撫御自攻洛陽定弘

農戰河橋平沙苑冒刃衝鋒前無橫陣本傳云從擒竇秦復弘農戰沙

苑並先鋒陷敵勇冠一時從于謹破
襄城又從獨孤信入洛陽經河橋陣况以弦木六鈞函

犀七屬周易繫辭曰弦木為弧左氏傳曰顏高門多懸之弓六鈞周禮曰函人為甲犀甲七屬門多懸

胄射必中鞍左氏傳曰公及邾師戰于升陘我師敗績邾人獲公胄懸諸魚門又昭二十六年傳

曰齊子淵從從洩聲子射之中楛瓦錄胸
汰轉七入者三寸聲子射其馬斬鞅殪
山積器械谷

量牛馬

袁宏後漢紀曰上幸宜陽赤眉請降盆子與徐
宣等二十餘人肉袒奉所得更始璽綬積兵甲

宜陽西與熊耳山等漢書貨殖傳曰烏支羸畜牧及衆
斥賣求奇繒物間獻戎王戎王十倍其價予畜畜至谷
量牛馬師古曰言其數饒不
可計算故以山谷多少言之
軍吏計功司勳賞策授使

持節銀青光祿大夫進爵為公增邑八百戶昔者受律

赤符韓信當乎千里治兵白帝張飛擬於萬人比跡今

日公之謂也

史記劉季為沛公旗幟皆赤由所殺蛇白
帝子故者赤帝子故上赤受律赤符言信

拜大將受漢符命也蜀志曰張飛字益德涿郡人與關
某俱事先主飛雄壯威猛亞於關某魏謀臣程昱等咸

稱閔張萬人之敵也

五年授使持節都督揚州諸軍事揚州刺史

傳同浮於江海達於淮泗篠蕩既敷瑤琨即序

禹貢曰淮海維揚州

又曰均江海通淮泗又曰篠蕩既敷又曰瑤琨竹箭鄭注云篠箭也漢書師古注曰篠小竹也蕩大竹也敷布地而生也篠先了反孔傳云瑤琨皆美玉也十三年授車騎大將軍儀同三

司尋遷驃騎大將軍開府仍賜姓普屯

北史同此周書作普毛

即

為官族

本傳云賜姓普毛氏餘同左傳云官有世功則有官族

入陪武帳出總戎

韜置府於陽關張旃於瀚海

漢書汲黯傳曰上嘗坐武帳黯前奏事戎韜太公六

韜也漢書西域傳阮以玉門陽關孟康曰在敦煌西界府如衛青幕府是史記匈奴傳曰驃騎臨翰海而還正

義曰翰海自天海羣鳥解羽伏乳於此因名旃旗曲柄也

故得上書於漢即用同宗

爭長於周還無異姓

漢書曰婁敬上書論都賜姓劉氏左氏傳曰滕侯與薛侯來朝爭長

公曰周之宗盟異姓為後

十六年授鄆州諸軍事鄆州刺史

本傳云出為鄆

州刺史威時望既重朝廷以桑梓榮之遷河州鄆音敷

公頻領兩牧風政神明虎

去西河梟移東郡

後漢書曰劉昆為弘農太守為政三年仁風大行虎皆負子渡河說苑曰

梟與鳩相遇梟曰我將東徙此言仁風所被也

河湟瑞氣特表庶平廊祀神光

偏明正直

言威河州鄆州兩牧稱神明也爾雅水草交曰湟史記封禪書曰秦文公夢黃蛇自天下

屬地止於鄆衍史敦以為神故作鄆時索隱曰鄆音敷地名後為縣屬馮翊左傳曰神聰明正直而壹者也

及乎魏終天祿周受維新

謂周閔帝踐祚也

明命已遷彛倫或

革周元年改授大將軍袍罕郡開國公增邑一千戶

袍罕

漢屬金城郡應劭曰故罕羌侯邑袍音欽隋志云袍罕郡舊置河州

軍中受詔非論北伐

之功大將登壇無待東歸之策

東觀漢紀曰衛青大克匈奴武帝拜大將軍於

幕中因號幕府漢書韓信傳蕭何曰王必欲長王漢中無所事信必欲爭天下非信無可與者顏王策安決王曰吾亦欲東耳安能對對久居此乎於是王欲召信拜之何曰王必欲拜之擇日齋戒設壇場具禮乃可王許之諸將皆喜人人各自以為得大將至拜乃韓信也一軍皆驚置陣太平開陰晉之道

連兵廣武納滎陽之城

史記曰秦惠文君五年陰晉人犀首為大良造六年魏納陰晉

陰晉更名寧秦漢書地理志曰華陰故陰晉也後漢郡國志曰河南滎陽有鴻溝水有廣武城注云西征記曰有三皇山或謂三室山上有二城東者曰東廣武西者曰西廣武各在山一頭相去三百步其間隔深澗漢主與項藉語處本傳司馬消難校戰丹山移營白壁莫不來附威與達莫武率衆援接

勇冠三軍名凌五將

保定初率兵討丹州叛胡破之三

州白璧玉璧也杜預云三軍上軍中軍下軍李陵答蘇武書曰五將失道陵獨遇戰保定四年授

寧州總管

隋志北地郡後魏置幽州西魏改為寧州

掌其北門既為鄭國所委

捍其西鄙無懼秦亭之逼

本傳云是年從尉遲迥圍洛陽左傳僖二十二年曰杞子

自鄭使告於秦曰鄭人使我掌其北門之管若潛師以來國可得也史記注徐廣曰今天水隴西郡有秦亭也

是以築平綱之城衛人拱手成滎波之澤梁氏寒心

綱平

疑作剛平戰國策曰或為六國說秦曰築剛平衛無東野趙敬侯四年築剛平以侵衛五年齊魏為衛取我剛平史記魏世家無忌曰秦有鄭地得垣雍決滎澤水灌大梁大梁必亡禹貢豫州云滎波既豬導沈水入於河溢為滎是滎在河南左傳云衛及狄人戰於滎澤杜云此滎澤在河北 朝廷與公有內外

之親令公從戚里之貴乃以魏文帝女為公夫人遂得

長門之左別開公主之園濯龍之傍更築王姬之館

漢書

東方朔傳曰帝姑館陶公主號竇太主獻長門園上大悅之更名竇太主園為長門宮如淳曰竇太主園在長門長門在長安城東南園可以宿館處所故獻之後漢書明德馬后曰前過濯龍門上見外家問起居者車如

流水馬如龍左氏傳曰五年被徵入京拜少司馬本傳云圓

洛陽還拜期於司武以公為魏絳佐於中軍以公為荀

首左傳成十八年曰魏絳為司馬又成二年傳稱楚屈

弟也新佐中軍而善豈直謂之鶉火稱之縉雲而已哉

杜云知整父荀首也漢書百官公卿表曰神農火師火名黃帝雲師雲名應

幼曰火德也故為炎帝夏官為鶉火黃帝以雲紀事夏

官為縉雲是也辛歲拜少司馬蓋其年被使領兵出西

夏官也表又云周官夏官為司馬涼州奉迎突厥皇后
隋書地理志曰張掖郡西魏置西涼州尋改為甘州周書皇后傳曰

武帝阿史那皇后突厥木杆可汗俟斤之女突厥滅茹茹之後盡有塞表之地控弦數十萬志陵中夏太祖方

與齊人爭衡結以為援俟斤初欲以女配帝既而悔之高祖即位前後遣使要結乃許歸后於我保定五年二月詔陳國公純等奉脩皇后文物及行殿并六宮以下百二十人至俟斤牙帳所迎后俟斤又許齊人以婚將有異志純等在彼累載不得反命雖論之以信義俟斤不從會大雷風起飄壞其穹廬等旬日不止俟斤大懼以為天譴乃備禮送后及純等設行殿列羽儀奉之以歸天和三年三月后至高祖行親迎之禮后有姿貌善行止高祖

紀裂繻來卿為君逆稱族而行尊君命也

左氏

傳曰紀裂繻來逆女卿為君逆也

天和元年授柱國

本傳云天和初進位柱國

拜大

司寇

本傳云建德初拜大司寇

楚之柱國方之南火軒之司寇譬以

西雲

柱國楚卿也戰國策周累謂周君曰君爵為執珪位為柱國國語曰楚重黎之後也黎為高辛火正

又曰顓頊乃命南正重司天史記曰黃帝名軒轅應劭曰黃帝受命有雲瑞故以雲紀事由是而言春官為青雲夏官為緡雲秋官為白雲冬官為黑雲中官為黃雲司寇秋官乃白雲白者西方金行之氣故云西雲也

總授於公能官人也建德二年授少傅

本傳云三年遷少傅出為寧州

管總四年授寧州總管都督七州諸軍事即為河州大中

正

本傳在魏大統十七年此為周建德四年小異

公之桑梓本於此地再為連

率頻仍衣錦

注見前咸本河州人為河州總管即為河州大中正是再為連率頻仍衣錦也

襄

城龍種更反池臺桂陽仙人還歸鄉里

謂以桑梓榮之也襄陽記曰龐

德公子魯字世文昔太康中為祥柯太守去官歸鄉鄉人相語曰吾家池中龍種來按桂陽仙人有二其一是一

成武丁其一。是蘓仙公。並出神仙傳。神仙傳曰。成仙公者。諱武丁。桂陽臨武烏里人也。為縣小吏。使京還。過長沙。即投郵舍。不及。遂宿於野樹下。忽聞樹上人語云。向長沙市藥。旦視之。乃二白鶴。仙公異之。遂往市見二人。單白傘。相隨而行。先生遂呼之。設食。食訖。遂出。玉函有素書。果有武丁姓名。於是。以藥二丸。令服之。曰。君當得地仙。遂令還家。還家。明照萬物。獸聲鳥鳴。悉能解之。府君周忻。有知人之鑿見。而異之後。告病。四日而殞。府君自臨殯。之經。兩日。猶未成服。先生友皆臨武。來於武昌岡上。逢先生。乘白驢。西行。友人問曰。日將暮。何所之也。荅曰。暫往迷漢斯。須即返。我向來忘大刀在戶側。復在難棲。工可過語家人。收之。友人至其家。聞哭聲。大驚曰。吾向來於武昌岡。逢先生。共語云。暫至迷漢斯。須當返。令過語家人。收刀。並復何得爾乎。其家人云。刀覆井入棺中。那應在外。即以此事。往啟府君。府君遂令發棺。視之不復見尸。棺中惟有青竹杖。長七尺許。方知先生托。

形仙去時人謂先生乘驢於武昌岡乃改為驢里也又曰蕪仙公者桂陽人也早喪所怙鄉中以仁孝聞母欲食魚鮓去家百二十里斯須即返母大驚駭知其神異眈後白母受命應仙當連色養封一櫃留之有所闕乏可以扣櫃所需立至三年之後母心疑因即開之見雙白鶴飛去自後扣之無復有應母百餘歲無疾而終鄉人莫之復忽見州東北牛脾山紫雲蓋上有號哭之聲咸知蕪君之神也鄉人苦請相見即出半面示一手皆有細毛異常人也後有白鶴來止郡城自言是蕪君矣

故老親賓酣歌相慶安車

四馬天下榮之

史記陸賈傳曰陸生常安車駟馬

宣政元年授上柱國

本傳 更加少傅配於上相即陪玄扈之圖居於京師實

有圮橋之策

史記天官書曰文昌六星有上相河圖曰蒼頡為帝南巡狩登陽虛之山臨於玄扈

洛汭靈龜負圖丹甲赤文以授之
北橋黃石公期張良處也見漢書
改封宿國公

按本傳在大象

二年食邑并前五千五百戶射鴻舊圃舞鶴餘城既浮酸

棗之河聊對淇園之竹

言宿國也宿故衛地左氏傳曰衛獻公戒孫文子甯惠子食皆

服而朝日旰不召而射鴻於圃又曰衛懿公好鶴故鶴有乘軒者史記河渠書曰漢興三十九年孝文時河決酸棗東潰金隄於是東郡大興卒塞之其後四十有餘年元光之中河決瓠子是時東流郡燒草以故柴薪少而下淇園之竹以為棧

來朝建章則天子降席出遊戚里則羣公

下階

漢書曰建章宮度為千門萬戶又曰萬石君奮徙家長安戚里中

是以行滿天下

名聞四海方當光輔五君參謀七政

本傳云戚性持重有威嚴歷官數十

年未嘗有過故得以身名終兼其家門友義五世同居
世以此稱之孝經曰行滿天地無怨惡左氏傳曰宜其
光輔五君以為盟主也尚書
鄭注曰七政謂日月五星也
天厲弗戒薨於所居春秋

六十有九柳莊告殯傾社稷之臣鄭僑云亡得諸侯之

禮

禮記曰衛有太史曰柳莊寢疾衛獻公再拜請於尸
曰臣有柳莊也非寡人之臣社稷之臣也鄭僑鄭子

產國僑也左傳及系家云子產死孔子泣曰子產古之
遺愛也及韓詩稱子產卒鄭人耕者輟耒婦人損其佩

玦也皇覽曰子產家在河南新鄭城外大家是也按子
產鄭國之臣死則丈夫輟耕婦人損佩其為國君所禮

可知特其事未聞耳鄭國之君雖為伯爵得稱諸侯
言鄭僑亡得諸侯所禮非謂以諸侯之禮加之也
詔

贈某官諡某公禮也以今開皇元年

周靜帝大定元年
遜位於隋王楊堅

是為隋文帝改
為開皇元年

七月某日反葬於河州金城郡之苑川

鄉

子山以是年卒按此時子山猶在也

山行隴底地入塞源望積石以緣

河臨崆峒而下坂

師古曰隴底謂隴阪即今之隴山也地里志曰金城郡河關積石山在西

南羌中河水行塞外東北入塞內至章武入海禹貢曰浮於積石孔安國曰積石山在金城西南河所經也史

記曰黃帝西至於崆峒登雞頭韋昭曰崆峒在隴

玄甲黃腸崎嶇亭障及云奠

徹方勞榆沈

玄甲甲之黑色也見漢書霍去病傳黃腸柏木棺也見霍光傳注在司馬裔碑漢書

曰光祿諸亭障師古注曰漢制每塞要處別築為城置人鎮守謂之候城此即障也儀禮曰屬引撤奠乃祖謝莊宣賁北誅曰階撤兩奠銳曰撤去也奠祭也禮記禮弓曰諸侯輪而設桴為榆沉鄭注云以水浸榆白皮之

汁潘地取其引
車滑而不滯

若夫樹反壤也封夏屋焉終須潁川之

碑乃見華陰之碣

檀弓國子高曰反壤樹之哉又子夏曰昔者夫子言之曰吾見封之若堂

者矣見若覆夏屋者矣鄭注云封築土為壘覆猶茨瓦也夏屋今之門廡其形旁廣而卑又夏屋山名呂氏春

秋曰趙簡子病召太子而告之曰我死已葬服衰而上夏屋之山以望太子敬諾簡子死已葬服衰召大臣而

告之願登夏屋以望大臣皆諫曰登夏屋以望是遊也服衰以遊不可襄子曰此先君之命也襄子上於夏屋

以望代俗其樂甚美於是襄子曰先君必以是教之也歸慮所以取代矣高誘曰夏屋山代之南山也觀望欲

令之取代也此云封夏屋焉蓋檀弓之夏屋也蔡邕陳太丘碑文云實字仲弓潁川許人遂征記華岳廟前立

碑段煨所刻
其文張旭造

世子儀同永達

本傳云子永達嗣大象末以威勳拜儀同大將軍

孝性有聞居喪得禮嗟海變而田成懼山飛而地絕神

傳麻姑曰已見東海三為桑田越絕書曰龜山一曰怪山往古一夜自來吳越春秋曰瑯邪東武海中山一夕自來故名怪山按龜山一名飛來一名寶林一名怪山史記蒙恬傳恬曰恬罪固當死起臨洮屬之遼東城墮萬餘里此其中不能無絕地脉哉 勒石墓田仍銘云爾

少典之孫玄王之子虹貫於月金承於水史記曰黃帝者少典之子

黃帝生二子其後皆有天下其一曰玄囂是為青陽青陽降居江水其二曰昌意降居若水昌意娶蜀山氏生高陽有聖德焉正義曰華陽國志及十三州志云蜀之先肇於人皇之際黃帝為子昌意娶蜀山氏後子孫因封焉帝顓頊高陽氏黃帝之孫昌意之子母曰昌僕謂之女根河圖云瑤光如蜺貫月正白感女於幽房之宮

生顓頊首戴干戈有德文也按史記顓頊高陽黃帝之孫昌意之子高辛玄囂之孫黃帝曾孫高辛於顓頊為族子虹貫於月謂顓頊也雄曰虹雌曰蜺顓頊為金德高辛為水德故云金承於水言少典生黃帝黃帝二子其後皆有

降及於周公侯復始風俗氣候山川表裏左

辛廖曰公侯之子孫必復其始左氏傳曰河連積石山表裏山河孫炎曰內曲表也外曲表也

帶崆峒秦亭北上漢使西通

括地志曰積石山今名小積山在河州枹罕縣西七

里河州在京西一千四百七十二里崆峒山在肅州福祿縣東南枹朴子內篇云黃帝見廣成子受九品之方過崆峒從廣成子受自然之理即此山酈元云蓋大隗山異名也莊子云廣成子學道崆峒山黃帝問道於廣成子蓋在此秦亭在隴西郡注見本序

漢書西域傳曰西域以孝武時始通

金行氣壯地勢

人雄稜稜高節凜凜踈風

漢書金城郡師古注曰以郡在京師之西故謂金城金西

方之

祖考藩屏濁河清渭兩地謨明雙流光賁

謂祖大

州刺史考生為河州總管也

水無別色雲無異氣為吏

為民惟懷惟畏

東觀漢紀曰朱暉為臨淮太守民懷其惠又曰暉斥遠佞人吏畏其威

公

之嗣世實秉英靈降神中嶽迴文列星

左傳僖二十六年展禽對齊侯

曰豈其嗣世九年而棄命廢職詩曰維嶽降神爾雅曰嵩高為中嶽迴文列星即所謂文昌六星上將賁相等

名也鸞翔鳳舞珠角山庭臣深義本子極天經

山海經曰軒轅之丘

鳳鳥自歌鸞鳥自舞珠角山庭注見齊王憲碑孝經曰夫孝天之經也

洛城戰陣河橋旗

鼓謂威從獨孤信入洛陽城經河橋陣也

箭飲石梁劍然銅柱並麗六麋

俱抽雙虎

水經注曰泗水之上有石梁焉故曰呂梁昔宋景公以弓工之弓彎弧東射矢集彭城之

東飲羽於石梁即新梁也史記刺客傳曰荆軻引其匕首以摘秦王不中中銅柱正義曰燕太子云荆軻拔匕首擲秦王決耳入銅柱火出左氏傳曰樂伯射麋麗龜

晉魏錡如楚致師楚潘黨逆之及楚澤見六麋射一麋以顧獻史記張儀傳曰兩虎果鬪大者傷小者

死下莊子從傷者而刺之一舉果有兩虎之功玉門開

郡陽關置府再為上台兩為少傅

漢書地理志曰敦煌郡龍勒有玉門陽關

春秋漢舍尊曰三公象五岳在天法三能台能同按辛威傳建德二年授少傅宣政元年更加少傅是兩為少

也傳模範帝師經綸國步允襲峻德欽明審諭不吝車茵

誰言溫樹

潘岳揚仲武誄曰子以妙年之秀固能總覽義旨而軌式模範矣史記曰周文王得呂尚

於磻溪以為師武王曰師尚父成王尊為太師周易曰君子以經綸詩云國步斯頻峻德欽明俱見尚書漢書曰丙吉為丞相於官屬掾史務掩過揚善吉馭吏嗜酒數逋蕩從吉出醉飲丞相車上西曹主吏白欲斥之吉曰以醉飽之失去士使此人將復何所容西曹地忍之此不過污丞相車茵耳又曰孔光沐日歸休兄弟妻子宴語終不及朝省政事或問光溫室省中樹皆何木也光默不應更答以他語其不泄如是

天道范

昧年齡倏忽上將星開功臣鼎沒

淮南子曰茫茫昧昧從天之道李善曰倏

忽言疾也上將文昌中星名按鍾鼎所以勅勳功臣亡故云鼎沒

九原陵阜三河甲卒

地險龜林營危馬窟

國語文子曰九原可作者其隨武子乎漢書高祖委發闕中兵收三

河士淮南王誅伐南越書曰甲卒死亡龜林未詳疑謂西域也齊王憲碑地盡龜林又賀婁慈碑云辨析龜林聲馳鹿野是龜林佛教語以喻六塵疑以此西州永別名地矣注詳前二碑內古詩曰飲馬長城窟

北闕長辭山張虛蓋野祭空帷

西州謂隴西河州是也北闕長辭謂反葬河州

也潘岳哀永逝文曰風泠泠兮入帷雲霏霏兮承蓋禮記曰士殯惟之又禮記鄭注云在傍曰帷在上曰荒所

以依

柳陵原地迴松路風悲銘於碣石勒以貞

一作龜禮

曰國大遷太師則貞龜鄭注曰正龜於卜位也

周柱國楚國公岐州刺史慕容公神道碑

昔在殷書懋賞周禮議勲諸侯計功大夫稱伐

商書仲虺誥曰

德懋懋官功懋懋賞周禮曰司勳掌六卿賞地之法以等其功左傳臧武仲曰夫銘天子令德諸侯言時計功

大夫稱伐惟師尚父昆吾載寶鼎之銘王命尸臣栒邑傳琯

戈之賜墨子曰昔夏開使飛廉採金於山以鑄鼎於昆吾蔡邕銘論曰呂尚作周太師而封齊其功銘

於昆吾之治張景陽七命曰銘德於昆吾之鼎是也漢書郊祀志曰美陽得鼎獻之中有刻書曰王命尸臣官

此栒邑賜爾旂鸞黼黻琯戈尸臣拜手稽首曰敢對揚天子丕顯休命張敞曰臣愚不足以述古文竊以傳記

言之此鼎殆周之所以褒賜大臣大臣子孫刻銘其先功藏之於宗廟也注云尸主也故知太上

立德左傳叔孫豹之言明試以功出尚存有顯爵之榮歿有大

名之貴郊特牲云死而諡今也古者生無爵死無諡晉中興書曰中宗即位尊號時賜諡多由封爵不

考德行王導上疏曰臣聞大行受大名小行受小名則稱實不誣而已

昊天不弔其惟楚

國公乎

詩云昊天不弔不怨遺一老

可以旌德景鐘勒勲彝器

晉語曰昔

克潞之役魏顓以其身卻退秦師於輔氏親止社回其勲銘於景鐘左傳昭十七年籍談曰諸侯之封也皆受明器於王室以鎮撫其社稷故能薦彝器於王王曰有勲而不廢有績而載奉之以土田撫之以彝器杜預曰彝常也謂可常寶之器

式昭盛美載揚洪烈者焉公諱寧字永安

昌黎徒河人也

周書有傳都尉總六縣之卿名山稱五岳之

佐

序慕容氏之先世居昌黎徒河本漢遼東屬國都尉治也後漢書百官志曰每屬國置都尉一人比二千

石郡國志曰遼東屬國故邯鄲西部都尉安帝時以為屬國都尉別領六城雜陽東北三千六百六十里六縣

謂昌遼賓徒徒河無慮險瀆房也五岳爾雅中岳嵩山
東岳泰山西岳華山南岳衡山北岳恒山按燕在趙北
其名山為醫無閭是北岳之佐也周禮職方氏云東
北曰幽州其山鎮曰醫無閭鄭注云醫無閭在遼東燕
太祖文皇帝慕容皝以當世英雄奄有河朔
詩云奄有龜
蒙河朔河北
也鄭康成曰
朔北方也
趙之南境且建王城冀之北土仍為興國

晉書載記曰慕容氏其先有熊氏之苗裔世居北尼邑
於紫蒙之野其後與匈奴並盛控弦之士二十餘萬秦
漢之際為匈奴所敗分保鮮卑山因為號莫護拔率
其諸部入居遼西從宣帝伐公孫氏有功拜率義王始
建國於棘城之北燕多冠步搖冠莫護拔好之乃斂髮
襲冠諸部因呼之曰步搖其後音訛逆為慕容焉武云
慕容二儀之德繼三光之容遂以慕容為氏慕容皝字元
負鹿第三子也龍顏版齒身長七尺八寸雄毅多權略

尚經學善天文鹿卒嗣位朝鮮公討逸豆歸築榆城安
晉二城而還征遼東剋襄平分徙遼東大姓於棘城置
和陽武次西樂三縣襲宇文別步於大獲從昌黎跋凌
而進擒母弟仁敗屈雲於五官水盡俘其衆以咸康三
年僭即王位號將國石氏從容謂諸將曰石季龍自以
安龍諸城守防嚴重城之南北必不設備今若詭路出
其不意冀之北土可盡破也於是率騎二萬出蠟螭塞
長驅至於薊城進渡武遂津於高陽所過焚燒積聚掠
徙幽冀三萬餘戶使陽裕等築龍城構宮廟改柳城為
龍城於是成帝遣使持節拜號侍中大都督河北諸軍
事大將軍燕王咸康七年號遷都龍城伐宇文歸斬其
將奕于盡俘其衆開地千餘里徙其部人五萬餘落於
昌黎改涉奕于城為威德城以永和四年死在位十五
年時年五十二僞僭號追諡文明皇帝東京賦曰然後
以建王城左氏傳曰公既號之苗裔家世燕陸周書本
冀之北土馬之所生

公既號之苗裔家世燕陸周書本傳其先

慕容氏前燕
之支庶也

高祖侍中

本傳高祖勝

使持節都督中外諸軍

事太保錄尚書北地

疑作

王慕容超之世

晉書載記曰慕容超字祖

明德元北海王納之子
以義熙元年階嗣偽位

藩屏王室詳之燕錄可得稱焉

左氏傳曰封建親戚以蕃屏周
崔鴻十六國春秋有前燕錄後燕錄

曾祖尚書府君因魏

室之難改姓豆盧仍為官族

本傳云勝以燕皇始初歸魏授長樂郡守賜姓豆盧

氏或云避難改焉案傳改姓
當是高祖此云曾祖為異也

祖任魏文成皇帝

豆盧永恩碑云

祖代左右將軍魏文皇帝直寢魏書本紀
云高宗文皇帝諱濟景穆皇后之長子也

考早亡

本傳云父

長乘朝廷以庸勲攸屬恩深追遠保定三年有詔贈柱國

將軍少師涪陵郡開國公食邑二千戶

本傳云父長柔
主鎮將有威重

見稱於時武成初以寧著勲追贈柱國大將軍少
保涪陵公隋書地理志曰梁州涪陵郡西魏置合州公稟

氣中和降祥川嶽岐嶷表羈貫之年通禮稱綺紈之歲

夙著奇節幼表大成

本傳云寧少驍勇果有志氣身長
八尺美儀容善騎射詩大雅曰克

岐克嶷鄭云岐岐然意有所知也其貌嶷然有所別識
也穀梁傳曰羈貫成童漢書敘傳稱綺紈袴帥古曰
綺即今之縉紈卓黑色學記曰九年
知顯通達強立而不反謂之大成兄弟分果備知推

讓賓客解鈴曾無恠色

本傳云初寧未有子養弟永恩
子勳及生子讚親屬皆請讚為

嗣寧曰兄弟子猶子也吾何擇焉遂以勳為世子世以
稱之又請以先封武陽郡三千戶益弟孔融家傳曰兄

第七人融第六幼有自然之性年四歲時每與諸兄共食梨融輒引小者大人問其故答曰我小兒法當取小者由是宗族奇之傅暢自序曰余方五歲散騎常侍魯叔虎與先公友善喜與余戲常脫余金環與侍謂余怖惜余笑與之經日

不索見太平御覽

永安元年太宰爾朱天光

一本作魏元天穆

室元輔握兵淮南抗權江南

魏書曰爾朱天光榮從祖兄子少勇決善弓馬榮親

愛之每有軍戎事要常預謀策永安中加侍中金紫光祿大夫北秀容第一酋長尋轉衛將軍大將軍元天穆東征邢杲詔天光以本官為使持節假鎮東將軍都督隸天穆討破之公時任別將便從

征伐自是長城峽石必先行陣秦南隴西每當天石摧

堅乘勝莫不前驅策勲行賞常居第一

本傳云永安中以別將隨爾朱

先天入關加授都督又以破萬俟醜奴功賜靈壽男天
光敗後侯莫陳悅反太祖討悅寧與李弼率衆歸太祖
周書賀拔岳傳云時萬俟醜奴僭稱大魏關中騷動爾
朱天光軍至汧渭之間醜奴棄平涼而走岳追擒之賊
行臺萬俟道洛入隴投略陽賊帥王慶雲天光與岳渡
隴並擒之高貢曰夾右碣石入於河太康地志曰樂狼
遂城縣長城所起蜀志隴西郡屬秦
州左傳荀偃士句攻偃陽親受天石
永熙元年補子都

督並加鼓節軍儀除柔乾太守
漢書地理志云代郡有柔乾縣隋志云馬邑郡

善陽縣有後魏柔乾郡轉補都督其年以魏皇西幸奉迎大駕賜

封河陽縣開國伯增邑三百戶
本傳云魏孝武西遣以奉迎勲封河陽縣伯邑

五百戶隋志云河內郡俄遷大中大夫改伯為侯增邑

河陽有古河陽城治

九百戶

本傳在大統元年

仍授使持節都督顯州諸軍事顯州

刺史

本傳顯州大中正隋志扶風郡陳倉後周置顯州

四年遷鎮東將軍金紫

光祿大夫其年秋河橋之役先登破陣

本傳云從太祖擒竇泰復弘農

戰沙苑

遷為車騎大將軍儀同三司五年沙苑之功加封

合前二千戶俄授敷州刺史加散騎常侍外深推轂內

侍集書

顏師古曰推轂薦舉人如車轂之運轉也此云推轂集書謂常侍之職夾車參乘入侍左右集

羣書也

十五年授右衛將軍十六年授大將軍後魏元年

重授敷州刺史公以先經刺舉固辭不就

本傳云拜北華州刺史在

州未幾以廉平著稱加散騎常侍七年從于謹破稽胡
帥劉平伏於上郡及梁企定反以寧為軍司監隴右諸
軍事賊平進位侍中使持節驃騎大將軍開府儀同三
司九年從太祖迎高仲密與東魏戰於印山遣左衛將
軍進爵范陽郡公增邑四百戶十六年拜大將軍羌帥
傍乞鐵忽及鄭五醜等反叛寧率衆討平之周太祖紀
云魏廢帝三年改北
華州為鄜州鄜音敷
三年本傳魏恭
改封武陽郡開國

公隋書地理志云武陽郡後周置魏除尚書僕射職惟
州武陽郡莘縣後周置武陽郡焉

贊奏任居封掌分左右之儔兼典舉之選漢書百官表
云僕射秦官

自侍中尚書博士即皆有古者重武有主射以督課之
軍屯騶宰永巷宮人皆有取其領事之號後漢書百官
志曰尚書僕射一人六百石署尚書事令不在則奏下
東事漢書典官職云尚書僕射主開封掌授棗假錢穀

也百官表注云建安以來執金吾榮勅為尚書左僕射僕射之有左右自此始也魏志曰陳泰為尚書左僕射

典選

屬以江南阻兵渚宮邊敵軍機警急鋒鏑縱橫

謂梁

將王琳寇江陵也注見下文江陵本楚地戰國時荆郢通稱江南左氏傳曰阻兵安忍渚宮謂江陵也後漢陳龜年傳疏曰懸命鋒鏑鏑師古曰鋒戈戟刃也鏑箭鏃也史記索隱注曰南北為縱東西為橫公奉命

星言元戎啓路總秦人之銳士兼荆戶之廣卒

謂奉命征討自

秦至楚也詩云星言夙駕又云元戎十乘以先啓行按魏都長安故云秦人江陵楚地故云荆戶漢書刑法志曰秦昭以銳士勝師古曰銳勇利也左傳宣十二年曰其君之戎分為二廣廣有一卒卒偏之兩杜預注曰十五乘為一廣司馬法百人為卒二十五人為兩車十五乘為大偏今廣十五乘亦用舊偏法復以二十五人為

承副水龍競雙刀之勢步騎陳四分之威據章紀曰劍入襄城水中變為

二龍漢書云冒頓縱精兵三十餘萬騎圍高帝於白登匈奴騎西方盡白東方盡駝北方盡驍南方盡駢夷

陵既燒黔中方定旋軍反旆解甲休兵屬以江南至解甲休兵本傳

云梁將王琳遣其將侯方兒潘純陀寇江陵寧與蔡祐鄭永等討之方兒等遁走史記楚世家曰頃襄王二十

一年秦將白起遂拔我郢燒先王墓夷陵二十二年秦復拔我巫黔中郡其後鳳州內叛成

都外絕公又總督衆軍蒐乘即道兵不血刃並皆擒獲

遷其酋豪納其降附本傳云三年武興氏及固宜氏魏天王等相因反叛寧復討平之隋

志云河池郡後魏置南岐州後周改曰鳳州又蜀郡有成都縣皇朝受終文祖革命神

宗選賢與能改絃創制爰降冊書授公柱國

本傳云孝閔踐阼授

柱國大將軍皇朝謂周也尚書舜典曰正月工日受終於文祖鄭康成曰文祖者五府之大名猶周之明堂史記正義曰尚書帝命驗云帝者承天立府以尊天垂象也五府者唐虞謂之天府文祖者赤帝燥怒之府名曰文祖火精光明文章之祖也周易曰天地革命尚書禹謨曰正月朔旦受命於神宗選賢與能禮記禮運之辭也

增邑四千戶二年

本傳武成初

授同州刺史襟帶關輔

齒秦晉編戶殷積邸閣儲峙藩籬是任親賢勿居

按括地志

同州本臨晉城也一名大荔城亦曰馮翊城言同州要地以寧賢能擢斯職也西京賦曰衿帶易守關謂關中輔謂三輔也左氏傳曰脣亡齒寒言同州為古秦晉二國脣齒之地也獻帝紀曰大司農出雜繒二萬匹賜公

卿以下及貧民不能自存者李惟曰我如閭儲時少乃
悉載其營見魏志董卓傳注過秦論云蒙恬北築長城
而守藩籬張孟陽劔閣銘曰形勝之地匪親勿居此云
親賢勿居者言此同州險要之地非親子弟與賢者不
可令居也

公建煥作牧寨惟行部六條斯舉百城咸勸

周禮九旗

之名云烏隼曰旗漢書公卿表曰刺史成帝更名牧後
漢書曰賈琮為冀州刺史舊典傳車驄駕垂赤帷裳迎
於州界及琮之部命御者褰之百城聞風自然震悚其
諸賊過者解印綬去漢書百官公卿表注曰刺史班宣
周行郡國省察治狀黜陟能否斷治寃獄以六條問事
非條所問即不省謝承後漢書曰黃琬拜豫州刺史咸
邁百城

三年授公大司寇又以公勲庸特著冊封楚國公

食邑一萬戶蓋因破侯方仁等於荆陝即其地而封焉

本傳云復督諸軍討稽胡郝阿保劉柔德等破之遠大
司寇進封楚國公邑萬戶別邑鹽亭一千戶收其租賦

逖糾王憲弛張刑政

左傳僖二十八年王命晉侯曰逖糾王憲杜預曰逖遠也有惡於王

者糾而

式遏寇虐於是御之以寬猛

詩云無俾作慝式遏寇虐左氏傳曰

寬以

柔遠能邇然後平之以冲和

詩云柔遠能邇以定我王老子曰冲氣以

為

舜任咎陶不仁者遠

論語子夏之辭

晉舉隨會羣盜皆奔

左氏

傳曰晉隨會將中軍且為太傅晉國之盜奔秦也

保定四年授岐州諸軍事岐

州刺史沉痾彌留

本傳云保定四年授岐州刺史屬大軍東討寧與疾從軍隋志云扶風郡

舊置岐州

保定五年三月四日薨於私第春秋六十有二

本傳

云五年薨於同州時年六十六 詔贈太保同廊等十州諸軍事同州刺

史謚昭公

本傳同

禮也十月庚申葬於洪濟之川馳綽毀

宗客車專道

禮記曰四十者馳綽鄭注云綽引棺緇也禮弓曰及奠毀宗躐行出於大門駘道也

雜記曰專道而行注云

樞行於路人皆避之 玄甲被屬國之兵介士陳輕車

之騎

漢書曰霍去病薨上發屬國玄甲又曰張安世薨天子贈以輕車介士

克善令終生

榮死感嗚呼哀哉公經德秉哲

尚書酒誥辭孔傳云能常德持智也

體道

居貞履貴思冲居盈

一作滿

念損澄波千頃不能變其清

濁高牆百仞無以測其汙隆立身行己居安如墜亡躬

殉義視嶮若夷至於將略應變出奇設伏太乙風角之

占常從星辰之候樓船戰陣之錄強弩馳射之書

漢書曰翼

奉有風角五德又藝文志有太壹雜子星太壹兵法有常從日月星辰二十一卷師古曰常從人姓名也老子

師之藝文志又曰武帝時軍政楊僕摠撫遺逸紀奏兵錄列傳云楊僕為樓船將軍又藝文志有強弩將軍王

圓射法五卷望遠連弩射法具十五篇莫不動會幾神發符雷電

至於至雷電

本傳云寧嘗與梁企定過於平涼州相與肆射乃於百步懸莎草以射之七發五中定服其能贈遺甚厚梯

衝所向地靡百樓之城長戟所臨野關

疑作

三門之陣

魏略曰諸葛亮攻祁山於陳倉以雲梯衝車臨城中昭以大箭射之雲梯盡然人皆燒死後漢書公孫瓚與子

續書曰袁氏之攻狀若鬼神梯衝舞吾樓上應瑒檄文曰長戟百萬後漢書高彪曰天有太一五將三門是

以斬將搴旗四十三戰尊官厚祿三十七年武彰七德

之義歌誦九功之業

漢書楊僕傳上以書勅責之曰非有斬將搴旗之實也師古曰搴與

搴同搴拔取之司馬遷報任安書曰外之不能積日累勞取尊攻城野戰有斬將搴旗之功下之不能積日累勞取尊官厚祿以為宗族交遊光寵左傳楚子曰夫武禁暴戢兵保大定功安民和衆豐財者也杜預注曰此武七德又傳晉卻缺曰九功之德皆可歌也謂之九歌六府三事謂之九功迹紀庸器之文行昭

易名之典

表記鄭注云諡者行之迹也周禮曰典庸器掌藏樂器庸器鄭注云庸器伐國所獲之器

若崇鼎貫鼎及其兵物所鑄銘也又云陳庸器鄭注云陳功器以華國也禮記曰衛公叔文子卒其子成請

諡於君曰日月有時將葬矣請所以易其名者君曰昔者衛國凶饑夫子為粥以與國之饑者是不亦惠乎昔者衛國有難夫子以其死衛寡人不亦貞乎夫子聽衛國之政修其班制以與四鄰交衛國社稷不辱不亦文乎故謂夫子
貞惠文子 昔臧文既沒穆叔稱其立言鄭僑云亡宣

尼泣其遺愛

左傳襄二十四年云穆叔如晉范宣子逆之問焉曰古人有言曰死而不朽何謂也

穆叔曰魯有先大夫曰臧文仲既沒其言立其是之謂乎又昭二十年曰子產卒仲尼聞之泣曰古之遺愛也

德陽青石之墓千年未平

華陽國志曰德陽縣有青石祠車騎將軍鄧芝葬於其山

板疑作

江白虎之碑百代無毀

板江當作枝江水經注曰陳留王子香漢和帝

時出為荊州刺史有惠政天子徵之卒枝江亭中常有
三白虎出入人間送喪踰境百姓追美甘棠以永元十

八年立廟設祠刻石銘德號曰枝江白虎王君其子孫世今猶謂之為白虎王又按板江者後漢書南蠻傳板楯蠻居者秦昭襄王時有一白虎常從羣虎數遊秦蜀巴漢之境傷害千餘人昭王乃重募國中有能殺虎者賞邑萬家金百鎰時有邑郡閭中夷人能作白竹之弩射殺白虎昭王嘉之乃刻石盟號為板楯蠻居然此云送葬當用枝江白虎也

敢因斯義乃作銘曰

遼水之東冀州之北既曰都尉兼稱屬國

後漢書和帝紀曰永元十

六年復置遼東西部都尉官注云西部都尉安帝以為屬國都尉在遼東郡昌黎城也漢書曰以蘓武為典屬國師古曰典屬國本秦官
漢因之掌歸義蠻居屬官
斂氣餘勇雄邊遺則孝實天

經忠為令德

左傳高固曰欲勇者賈余餘勇孝經曰夫孝者天之經也左氏傳曰忠為令德
冠

冕世祿羽儀祚膚俗被燕丹風慚英蘭

言燕王苗裔世居燕也地理志

揭燕俗有燕丹遺風西征賦曰杖命世之英蘭注云簡相如也

劬勞後行辛苦行陣勇

過溺駿氣踰瓦震

謝朓登孫權故城詩曰北拒溺駿鏖李善云春秋感精符曰強傑並侵戰

兵雷合龍門溺駿史記曰趙惠文時秦軍軍武安西鼓噪勒兵武安屋瓦盡振

王國克生思皇

多士溫溫恭人謙謙君子

上三句詩解下謀卦又辭

擁旄仗節出蕃

入仕

脫二字

五朝建瓚千里

李廵曰旄牛尾著竿首也爾雅曰鳥隼曰旗

時逢

改持

疑作物

名載策勲淮陰召拜昭陽破軍

改物謂周受禪也左氏傳

曰文之伯也豈能改物又曰賜爵策勲為禮也史記淮陰侯韓信傳曰王拜大將又楚世家陳軫問昭陽曰願

開楚國破軍故將者何以責
之昭陽曰其官為上柱國
職司刑政獄慎深文沈羊

不飲雀盜無聞

職司刑政謂投大司寇也漢書趙禹傳
周亞夫曰極知禹無害然文深不可以

居大府劉向新序曰魯有沈猶氏旦飲羊飽之以欺市
人孔子將為司寇沈猶氏不敢朝飲其羊左氏傳曰鄭

國多盜取人
於荏苒澤中
巴庸薄伐江漢專征軍總六校兵兼七營

春秋巴國本姬姓左傳桓九年云巴子使韓服告楚請
與鄧為好是也杜預云巴國在巴郡江州縣文十六年

云巴與秦楚共滅庸戰國時七國稱王巴亦稱王張儀
貪巴苴之富取巴執王以歸置為郡縣杜預曰庸今上

庸縣屬楚之小國又曰漢水出武都至江夏南入江按
巴庸江漢皆楚地時王琳之寇江陵命寧討之故云是

矣漢書百官公卿表云五校尉皆二千石晉書職官志
曰屯騎步兵越騎長水射聲等校尉是為五校並漢官

也又王濬傳曰拜濬輔國大將軍舊校惟五置此營自濬始也有司又奏輔國依比未為連官不置司馬不給

官騎詔依征鎮給五百大車增兵五百人為輔國營給親騎百人官騎十人置司馬按五校尉加輔國為六校

也魏書曰公孫淵自稱燕王令官屬上書曰七營虎士五部蠻貊各懷素飽見魏志公孫淵傳注 運長

擊短後實先聲增壘威敵滅竈潛兵 周書曰長勝短漢書李左車曰兵有

先聲而後實左氏傳曰宋皇瑗圍鄭師每日遺舍作壘壘成輒徙合其圍也壘合鄭師哭遂取鄭也滅竈孫臏

事注已見鐘鳴夜漏晞露朝陽邑里蕭索宅惟荒涼 魏志田豫曰年

過七十而居位猶鐘鳴漏盡而夜 豐碑下柩題湊遷喪行不休也李陵曰人生若朝露

宮臨榭里臺傾盃嘗 禮弓曰公室視豐碑鄭注曰言視者時借天子也豐碑斲大木為之

形如石碑於柳前後四角樹之穿中於間為鹿盧下棺以緯繞天子大緯四碑前後各垂鹿盧也緯音律漢書曰霍光薨賜便房黃腸題湊各一具史記曰樽里子卒葬於渭南章臺之東曰後百歲是富有天子之宮夾我墓桓子新論曰雍門周說孟嘗君曰千秋萬歲後高臺既已傾曲池既已平卜兆戒期遠辰

告筮德遺身後名昭沒世

考經曰卜其宅兆而安措之鄭注云宅墓穴也兆塋域也

葬事大故卜之曲禮曰凡卜筮日旬之外曰遠某日旬之內曰近某日喪事先遠日吉事先近日左氏傳曰吾聞有盛德者必百世祀論語曰君子疾沒世而名不稱焉館舍長捐泉局永閉晏嬰

悼齊柳莊悲衛

晏子春秋曰晏子死景公伏尸而號曰天降禍於齊不加禍於夫子齊國之社

稷危矣又云晏子死公操玉加於晏子而哭之涕沾襟章子諫曰非禮也公曰安用禮乎吾失夫子則亡何禮

之有禮記曰柳莊寢疾衛獻公請於尸曰臣有柳莊非寡人之臣也社稷之臣也又按左傳齊公孫窳卒晏子曰惜也姜族弱矣似引此事謂悼齊國然柳莊無悲衛之言明是齊悼晏嬰衛悲柳莊互文也言寧死天子慙焉如晏嬰之見悼於齊君柳莊之致悲於衛主也 風秋北原日没川逝 墓田舊

頃客土新封淚墮片石劔挂孤松

漢書成帝永始元年詔曰客土疏惡終不

可成服虔曰取他處土以增高為客土也晉書曰羊祜好遊峴山襄陽人建碑立廟於其地望其碑者無不流涕因謂之墮淚碑劉向新序曰延陵季子將西聘晉帶寶劔以過徐君徐君不言而色欲之季子為有上國之事未獻也然心許之致使於晉顧反則清徽令範千載徐已死於是以劔帶徐君墓樹而去

餘蹤

周兗州刺史廣饒公宇文公

本姓鄭周書作鄭常

神道碑

唐朝以元凱並進十有六人周室以昭穆先封十有五

國

帝王世紀曰堯都平陽於詩為唐國徐廣曰號陶唐左氏傳曰昔高陽氏有才子八人謂之八愷高辛氏

有才子八人謂之八元此十六族也又曰昔武王克商光宅天下其兄弟之國者十有五人

發源纂

胄葉派枝分開國承家珠聯璧合

周易曰開國承家竹書紀年曰日月如連

珠五星如合璧

是用克明峻德

高書辭也

思皇多士

詩大雅之詞也

盛德有

後公其裕哉公諱常字子元豫州滎陽人也

周書附鄭偉傳後

周宣中興然後樹賢建威鄭武有國然後保姓受氏

昭韋

鄭語注曰桓公友鄭始封之君周厲王之少子宣王之弟也宣王封之於鄭又周語注云鄭武桓公之子武公滑突也幽王既滅鄭武公以卿士夾輔平王東遷洛邑左氏傳曰保姓受氏以守宗祊

荆衡之賦

千乘莫能加兵虢會之封十城翻為獻邑

按春秋鄭國屬楚至弭兵

之會始晉楚俱朝荆衡楚地云賦千乘者若左傳魯賦八百乘却賦六百乘此云千乘之賦以貢楚也云莫敢加兵者左傳宣十六年楚子圍鄭克之退三十里而許之平按自後鄭屬於楚國語曰鄭桓公問於史伯曰王室多故余懼及焉其何所可以逃死史伯曰其濟洛河潁之間乎是其子男之國虢會為大虢叔恃勢會仲恃險是皆有驕侈怠慢之心而加以貪冒君若以周亂之故寄孥與賄焉不敢不許周亂而弊是驕而貪必將背君君若以成周之衆奉辭伐罪無不克矣若克鄙蔽補丹依咩歷辛君之土也若前莘後河右洛左濟主桀

駢而食漆浦修典型以守惟是可以少固公悅乃東寄
孳與賄號會受之十邑皆有寄地韋昭曰十邑謂號會

鄔蔽補丹依况復郊門致騎先迎內史之賓史記曰鄭
喙歷辛也莊以任俠

自喜孝景時為太子舍人每五日休洗常置驛馬長安
諸郊存諸故人請謝賓客夜以繼日武帝立莊稍遷至

九卿為南宮旦朝獨識尚書之履漢書曰哀帝擢鄭崇
右內史為尚書僕射數求見

珠爭工初納用之每見曳華祖思慶建威將軍山陽太
履上笑曰我識鄭尚書履聲

守隋志云揚州江都郡建威取曹仁之號可以定名山
山陽縣舊置山陽郡

陽有王暢之賢足觀風俗魏志曰曹仁字子孝太祖從
弟也文帝時拜大將軍後漢

書曰王龔山陽高平人也子暢字叔茂以清實為稱無
所交黨拜南陽太守郡中豪族多以奢靡相尚暢常布

衣皮得車馬贏
賤以橋其敝

考項

周書鄭偉傳云偉
族人項字寧伯

銀青金紫方於

溫羨傳祇鎮南征東比於劉弘荀顛

晉書曰溫羨字長
卿太原祁人懷帝

即位遷左光祿大夫開府領司徒又曰傳祇字子莊北
海泥陽人拜常侍加光祿大夫門施行馬晉書職官志

曰左右光祿大夫加金章紫綬者品秩第二加銀青
綬者品秩第三銀青金紫謂溫羨傳祇皆為光祿大夫

也晉書曰劉弘字和季沛國相人也新野王歆之敗也
以弘代為鎮南將軍都督荊州諸軍事荀顛字景倩類

川人魏太尉或之第六子也母丘儉文欽反顛預討有
功進爵萬歲亭侯武帝踐阼位至侍中太尉鎮南謂劉

弘征東謂荀顛也報功之冊則槐路是儀贈行之典則荆河惟

牧本傳云項少有幹用起家負外散騎侍郎稍遷行臺
左丞與偉同謀立義後隨偉入朝賜爵魏昌縣伯除

太府出為扶風郡守後為太府少卿轉衛尉少卿歷職內外並有恪勤之稱尋卒官贈儀同三司豫州刺史周禮曰三槐三公位焉禹貢曰荆河惟豫州言項位至少卿贈豫州刺史也公弱齡早慧幼學

夙成立必正方言無勦說

易曰君子以立不易方禮記曰毋勦說

青衿智

勇即理雲夢之蛇童子仁心已愛中牟之雉

列女傳曰孫叔敖為

兒時出遊見兩頭蛇殺而埋之歸見其母泣問其故曰吾聞見兩頭蛇者死恐他人見殺而埋之矣母曰夫有陰德者陽報之爾然矣必興於楚及長為令尹後漢書曰魯恭為中牟令螟不入中牟河南尹袁安使仁恕豫肥親往廉之恭隨行阡陌俱坐桑下有雉過止其傍傍有童兒親曰何不捕之兒言雉方雛親曰所以來者欲察君之化迹耳今蟲不犯境一異也化及鳥獸二異也豎子有仁心三異也具以狀白安始遊庠塾

不無儒者之榮或見兵書遂有風雲之志

許氏說文曰
塾門側堂也

後漢書二十八將論曰
感會風雲奮其智勇

出忠入孝事盡於心脩身立名

理窮於性大統三年起義華陽先登廣武浮潛逾沔入

渭亂河

周書鄭偉傳云大統三年河內公獨孤信既復
洛陽偉與宗人榮業糾合州里建義於陳留攻

拔梁州橋東魏刺史鹿永吉等獲陳留郡守趙季和乃
率衆來附因是梁陳之間相次降欵偉馳入朝太祖與
語歎美之按常父項與偉同謀立義本傳亦云以立義
及累戰功知起義之時鄭常在焉禹貢曰華陽黑水惟
梁州華陽華山之南常建義陳留攻拔梁州為華陽矣
孟康曰於滎陽滎兩城相對因為廣武城史記楚與漢
臨廣武而軍是也禹貢曰浮於潛逾於沔入於渭亂於
河漢書地理志師古注曰漢上曰沔音莫踐反正絕流

曰蒙授永安縣開國男輔國將軍

隋志冀州西河郡永安縣又臨汾郡霍邑

舊曰永安自爾長從太祖入為帳內都督河橋接戰秋水則

三月不流洛城揮鋒金墉則一月路斷

史記正義曰河橋在臨晉縣東

渡河至蒲州今蒲津橋也陸機洛陽記曰金墉城在宮之西北角魏故宮人皆在中

西京不賓羌

戎侵軼城如飛鳥地有伏龍

按此疑常除涼州刺史總督河西甘瓜諸州軍事故

云飛鳥伏龍集中崔說碑文亦云是矣西京不賓者按漢書地志張掖酒泉故昆邪王地武帝太初元年開後元年分酒泉置敦煌郡敦煌本古瓜州左傳所云允姓之戎居於瓜州者也故云羌戎矣山海經曰三危之山三青鳥居之水經曰三危山在敦煌縣南西河記曰姑臧匈奴故曰蓋藏城也城不方有頭尾兩翅名蓋鳥城

晉書張軌傳曰姑臧城本匈奴所築南北七里東西三里地有龍形故名卧龍城又按括地志云伏龍祠在同州馮翊縣西北四十里故老云漢時自徵穿渠引洛得龍骨其後立祠因以伏龍為名今祠頗有靈驗是同州亦有伏龍之名然以崔說碑飛鳥伏龍按之及本文西京不賓羌戎侵軼知是涼州之卧龍城也

金僕裁抽靈鈇擧蜂目已奔狼心遂革

左傳莊十一年曰乘丘之

役公以金僕姑射南宮長萬杜預曰金僕姑矢名又昭十年傳曰齊惠樂高伐虎門公卜使王黑以靈姑鈇車吉請斷三尺焉而後用之杜注云靈姑鈇公旗名斷三尺不敢與君同又文元年傳曰楚子將以商臣為太子訪諸令尹子上曰是人蜂目而豺聲忍人也又昭二十八年傳曰狼子野心非是莫喪羊舌氏矣

遷平

東將軍帥都督十五年襲父封魏昌縣開國伯轉大都

督

隋志云石城郡石泉縣舊曰永樂置晉昌郡西魏改郡曰魏昌後周省魏昌郡入中城郡

魏後三

年授使持節車騎大將軍儀同三司黃權受詔嘉其入

魏之功竇憲當官賞其平戎之策公之此授勲庸著矣

蜀志曰黃權字公衡巴西閬中人也先主時為鎮北將軍後降魏景初元年遷車騎將軍儀同三司後漢書曰

竇憲字伯度南匈奴請兵北伐拜憲為車騎將軍與耿

秉各將四千騎與北單于戰於稽落山大破之言常為

車騎勲同進爵廣饒縣開國公本傳云賜爵饒陽侯隋志云徐州東海郡東海

二公矣邑五百戶保定三年授都督羅州諸軍事羅州

刺史隋志房陵郡竹山梁曰仍領金州兵馬應接上庸

公於文谷路溪澗崢嶸巖崖豁嶮山窮水斷馬束橋飛

中埒既開雙城即欵

隋志云西城郡梁置梁州尋改南梁州西魏改置東梁州尋改爲金

州置總管府上庸公陸騰也漢書地理志曰漢中有上庸縣括地志曰上庸今房州竹邑縣卽金州是也隋志房陵郡上庸梁曰新豐西魏改馬後周曰孔陽周書曰陸騰字顯聖代人也魏恭帝三年爵上庸縣公保定二年資州磐石民反殺郡守據險自守州軍不能制騰討斬之而蠻獠兵及所在蜂起山路險阻難得掩襲騰遂量山川形勢隨便開道蠻獠畏威承風請服所開之路多得古銘並是諸葛亮桓溫舊道是年鐵山獠抄斷內江路使驛不得通進軍出其不意擊之應時奔潰一日三下其城斬其魁帥獲三千人招納降附者三萬戶益州記曰江曲由左擔道鄧艾束馬懸車之處山窮水斷馬束橋飛者言房陵道險水陸無路懸車束馬飛橋度

濟也中埒既開雙城即款者按往者申息盡掩江黃無

援住者以下追叙梁元帝武陵王紀之師也楚蜀與師

門不啓又曰江黃道柏皆弦烟也言魏人侵蜀元帝不

也敗涔陽極浦亟犯風塵夏首西浮頻遭鋒鏑鏑涔陽夏首

喻亂也楚辭曰望涔陽兮極浦又曰望夏首而西浮王

也曰鋒戈戟刃也鏑箭鏃也公以伏波受脤樓船誓衆入橫江之陣進

下瀨之兵漢書曰路博德為伏波將軍後漢書曰馬援

樓船將軍郡縣志云橫江浦在和州對江之采石往來

濟渡處漢書武帝紀曰甲為下瀨將軍下蒼梧臣瓚曰

瀨湍也伍子胥
書有下瀨船

越客文身湛盧終去吳人長鬣餘腥遂

遠

漢書曰少康之庶子封於會稽文身斷髮以避蛟龍之害吳越春秋曰湛盧之劍惡闔閭之無道也乃去

而出水行如楚楚昭王臥而寤得吳王湛盧之劍於牀
昭王不知其故乃召風胡子對曰是五山之英太陽之
精寄氣託靈出之有神服之有威可以拒衝拒敵然人
君有逆理之謀其劍即出故去無道以就有道今吳王
無道殺君謀楚故湛盧入楚昭王曰其直幾何風胡子
曰臣聞此劍在越之時客有酬其直者有市之鄉三十
駿馬千匹萬都之戶二是其一也薛燭對曰赤董之山
已令無雲若耶之溪深而莫測羣臣上天激治死矣雖
金量金珠玉盈河猶不能得此寶而况有市之鄉駿馬
千匹萬都之戶何足言也昭王大悅遂以為寶左傳昭
十七年曰吳楚戰於長岸大敗吳師獲其乘舟餘皇使
隨人與後至者守之環而墜之及衆盈其隧炭陳以待

命吳公子光請於其衆曰喪先王之乘舟豈惟光之罪衆亦有焉請藉取之以救死衆許之使長鬣者三人潛伏於舟側曰我呼皇則對師夜從之三呼皆迭對建德楚人從而殺之楚師亂吳人大敗之取餘皇以歸

四年授使持節開府儀同大將軍公孫敖下光祿之塞

諸葛誕勒丸都之山

漢書曰武帝太初元年遣因杵將軍公孫敖築塞外受降城三年紀

云瓌光祿諸亭障應劭曰光祿勳徐自為所築列城宣帝時呼韓叩單于款塞朝於甘泉宮請留居光祿塞下有急保漢受降城知受降城近光祿塞也魏志曰諸葛誕字公休瑯琊陽都人諸葛豐後也又按魏志毋丘儉傳云儉以高句驪數侵叛督諸軍步騎萬人出玄菟從諸道討之大戰梁口句驪王宮連破走儉遂來馬懸車以登丸都六年復征之宮奔貫溝追過沃沮千有餘里至肅慎氏南界刻石紀功刊丸都之山銘不耐之城論

功受賞侯者百餘人本毋丘儉事而云諸葛誕者以魏志儉誕二傳相連且又揚豫換州淮南俱叛故開府通

用公之處馬差無慚德謂比於公孫諸葛無慚德也

四方雜俗天下

殊風以君廉能使兼觀察馳傳擁節揚旂持斧既乘驄

馬仍被繡衣羣盜累足貴戚斂手

漢書曰暴勝之為直指使者衣繡衣持斧

逐捕盜賊後漢書曰桓典拜侍御史是時宦官秉權典執政無所回避常乘驄馬京師畏憚為之語曰行行且

止避驄馬御史漢書百官公卿表曰侍御史有繡衣直指服虔曰指事而行無阿私也師古曰衣以繡者尊寵

之也貴戚斂手後漢鄉亭留宿幸無歸忌之疑

後漢書郭鎮傳

曰桓帝時汝南有陳伯敬者行必矩步坐必端膝叱狗馬終不言死自有所見不食其肉行路聞凶便解駕留

止還觸歸忌則寄宿柳亭注云陰陽書應法曰歸忌日
四孟在丑四仲在寅四季在子其日不可遠行歸家及
從
公車奏事寧有反支之日
後漢書王符傳曰明帝時
公車以反支日不受章奏

章懷太子注曰凡反支日用月朔為正戌亥朔一日反
支申酉朔二日反支午未朔三日反支辰巳朔四日反
支寅卯朔五日反支子丑朔六日反支見陰陽書也潛
夫論曰明帝問今且何得無上書者左右對曰反支故
帝曰民既廢農遠來詣闕而復使避反支是則又奪其
日而寬之也乃勅公車奏章無避反支漢官儀曰公車
掌啓司馬門天下上
是使陽球司隸無所申威鮑恢都
事及徵召皆總領之
官因人成事
後漢書酷吏傳曰陽球字方正漁陽泉州
人也拜尚書令時中常侍王府曹節等姦
虐弄權扇動外內球嘗拊髀發憤曰若陽球作司隸此
曹子安得容乎光和三年遷為司隸校尉又鮑永傳曰

永為司隸校尉勅帝叔父趙王良大不敬由是朝廷肅然莫不戒慎乃辟扶風鮑恢為都官從事恢亦抗直不避彊禦帝常曰貴戚且宜斂手以避二鮑其見憚如此言鄭常威能雖陽球鮑恢不能及也

高祖武

皇帝

宇文邕太祖第四子也

以仲春誓衆甲子濟河公仗劔六軍

披圖八陣

杜預左傳注曰六軍天子之軍也兵法有八陣圖

譬彼張遼前鋒而

報魏主

魏志曰張遼字文遠雁門馬邑人也從征袁尚於柳城卒與虜遇遼勸太祖戰氣益奮太祖壯

之自以所持麾投遼逆擊大破之斬單于蹋頓合肥之戰幾獲孫權太祖大壯遼拜征東將軍方之耿

弇先戰而待蕭王

後漢書曰耿弇字伯昭扶風茂陵人也弇道聞光武在盧奴乃馳北上謁

固說護軍朱祐求歸發兵以定邯鄲決策河北定及乎計南陽以成先武之業蕭王光武更始時所封也

九州道同四隩既宅

二語出禹貢

遂得功參勇爵名入司勳

授上開府增邑五百戶

本傳以立義及累戰功授上開府儀同大將軍周禮司勳掌六

卿賞地之法以等其功

加以舉功行賞推恩分邑兼乘而反光乎

譙郡之城載寶而歸照於臨漳之水

漢書曰司馬相如馳四乘之傳至蜀

晉書地理志曰譙郡魏置禮弓曰南宮敬叔反必載寶而朝鄭云蓋嘗失位去魯載其實末朝於君干寶晉紀

總論曰上諱業故改

即日賜姓宇文與國同族婁敬上

書於鹿輅項伯舞劍於鴻門公之此榮足為連類

漢書曰婁

敬脫輅輅見齊人虞將軍虞將軍入言召見上說曰陛下都洛不如入關據秦之便遂都長安賜姓劉氏又高

祖紀鴻門之會云項莊入為壽請以劍舞項伯亦起舞常以身翼蔽沛公五年封項伯等四人為列侯賜姓劉

氏以公績著屯險誠貫風霜其年授使持節都督東徐

州諸軍事徐州刺史

本傳云信東徐南兗三州刺史隋志云徐州彭城郡舊置徐州後周

立總管府宣政元年授都督南兗州諸軍事南兗州刺史

隋志

云豫州譙郡後魏置南兗州後周置總管府

作牧濟河風行於雷澤建旗海

岱化被於淮沂

史記曰舜漁雷澤鄭康成曰雷夏兗州澤今屬濟陰周禮九旗之名云鳥隼為

旗為貢曰淮沂其又淮沂二水名

顧師古曰淮出大復山沂出泰山

印冕旒從政仁義者郊迎

後漢書曰賈琮為冀州刺史舊典傳車驂駕垂赤帷裳迎

於州界及琮之部升車言曰刺史當遠視廣聽糾察美惡何有反垂帷裳以自掩塞乎乃命御者褰之其諸臧過者望風解印綬去又曰郭賀拜荊州刺史顯宗巡狩到南陽特見嗟嘆賜以三公之服齎餼覓旒初行却去襜帷使百姓見其容服以章有德

豈直白石開渠青鹽換粟祥雲入境

行雨隨軒而已哉

白石開渠未詳疑即溝洫志白渠魏志曰徐邈為涼州太守值諸葛出祁

山隴右三郡反河右少雨乏穀邈上修武藏酒來鹽池以收虜穀廣志曰北育有青鹽謝承後漢書鄭弘行春隨車
致兩在任溝疾薨於方鎮皇甫嵩監御斯牧賢能刺史

荀中郎連率此則中興方伯英聲茂實公之有馬

後漢書曰

皇甫嵩字義真安定朝那人拜左車騎將軍領冀州牧晉書曰荀羨字令則除北中郎將徐州刺史中興方伯

未有如美
之少者

詔贈某官諡某公禮也

本傳贈本官加郾鄆
陝三州諸軍事郾州

史刺以大象二年十一月十日歸葬於滎陽之某山舊墓

九原悽愴趙文子其何言駟馬悲鳴滕成公其已遠

國語

趙文子與叔向遊於九京曰死者若可作也吾誰與歸
叔向曰其陽子乎文子曰夫陽子行廉直於晉國不免
其身其知不足稱也叔向曰其舅犯乎文子曰舅犯見
利不顧其君其仁不足稱也其隨武子乎納諫不忘其
師言身不失其友事君不後而進不阿而退博物志漢
滕公薨求葬東都門外公卿送喪駟馬不行跼地悲鳴
跑蹄下地得石室有銘曰佳城鬱鬱三
千年見白日吁嗟滕公居此室遂葬焉

若夫勒鼎刊碑

銘功頌德陳其令範必在生前嗟乎此之樹碑異乎洙

泗之水此之勒石異乎燕然之山

北史記曰孔子葬魯城北泗上孔叢子曰夫

子墓塋方一里在魯城北泗水上從征記曰洙泗二水交於魯城東北十七里論衡曰書傳言孔子當泗水之墓也後漢書曰竇憲登燕山刻石勒功紀漢威德

呼哀哉乃為銘曰

高陽之子少典之孫蒼林遠邁若水遙源

言鄭氏之先出自姬姓也

史記曰帝顓頊高陽者黃帝之孫而昌意之子也又曰黃帝者少典之子國語胥臣曰黃帝之子二十五宗其得姓者十四人為十二姓青陽與蒼林為姬姓史記曰嫫祖為黃帝正妃生二子其二曰昌意降居若水娶蜀山氏女生高陽有聖德焉水經曰水出旄牛徼外東南至故關為若水

公侯復始鐘鼎逾

繁承基纂宵建國開藩我壯我武既公既侯緇衣出鄭

卿士歸周

左氏傳曰公侯子孫必復其始毛詩序曰緇衣美鄭武公也父子並為周司徒善於其職

國人宜之故美其德以明有國善善之功馬言鄭氏自桓武有國之後以國為氏也 魚陵北上榮

澤東流河移酸棗粟雨陳留

皆鄭地也郡國志潁川襄城有魚齒山左傳謂魚陵

杜預曰在陳縣北漢書地理志曰河南曰豫州川曰滎

雒師古曰滎即沈水所溢者也又溝洫志曰孝文時河決酸棗地理志曰酸棗屬陳留郡王充論

衡曰建武中陳留雨穀蔽地形若棗而黑祖守南邦考

鎮東郡兩龜為印雙蛇結綬 謂祖思慶為山陽太守考項贈豫州刺史也漢舊儀

曰銀印背龜紐其文曰章後漢輿服志采組連結於璉

謂之綬又許曼傳隴西太守馮緄始拜有雙蛇盤綬笥

庚子山集

日察陰陽星占長柳是曰世載其名不朽

漢書藝文志曰陰陽家者

流蓋出於羲和之官敬順昊天歷象日月星辰敬授民時此其所長也又雜占十八家有黃帝長柳占夢十一

卷廿德長柳

占夢二十卷 事親之道孝以立身事君之道忠以立仁

今君嗣德一此君親如松之茂如竹之筠

禮記曰如竹箭之有筠也

功叅荆棘職主兵戈北臨青嶺南通白波

謂從周太祖為帳內都督

遷平東將軍也隋志允吾後魏置曰廣武有青巖山後漢書董卓傳曰黃巾賊郭太等起西河白波谷號為白

賊波直雲橫塞長星渡河陣開沙斷師移竈多

與本序往者申息盡

至餘艘遂還意同謂其有戰功也湘中記曰遙望衡山如陣雲晉書曰有長星自西南流於東北墜於梁水帝

斬公孫文懿於梁水之上漢書曰韓信擊龍且夾灘水陳信乃夜令人為萬餘囊盛沙以壅水工流引兵半渡擊龍且後漢書曰虞詡令吏士各作兩竈日舉功行賞倍增之曰孫臏示弱我今示強勢有不同也

封疆受位宮室鏤珪山河分地

言以立義戰功授開府大將軍饒陽縣公也周

禮公執桓珪鄭注云雙植謂之桓桓宮室之象所以安其上也漢書功臣表封爵之誓曰黃河如帶泰山如厲

國以長存爰及苗裔

決勝千里謀深計秘建武功成名連星次

漢書

高帝曰運籌帷幄之中決勝千里之外吾不如張良後漢書論曰中興二十八將前世以為上應二十八宿建

武光武帝年號言常從周武帝如漢二祖矣

建旗濟潔擁節龜蒙既蠶桑土實

撫梧桐

謂投兗徐二州刺史也禹貢曰汾河惟兗州汾於汾灑師古曰汾本濟水之字從水中聲言此

州東據濟水西北距河牙音涉潔水出東郡東武陽潔
宅合反詩曰奄有龜蒙禹貢曰兗州桑土既蠶又徐州

云澤陽孤桐

野無異器河無別風吳亭楚障

一作塞

莫敢彎弓

謂常為徐州刺史威震吳楚也徐州楚地與吳接境過秦論曰士莫敢彎弓而報怨

倏忽身世俄

然松檟路轉銅魚山迴石馬

左傳伍子胥曰樹吾墓上檟任昉范始興表云松檟

成行禮記鄭注云以竹為池衣以青布懸銅魚馬西京雜記曰張丞相墓前有石馬

武侯之廟藥

公之社望此高碑悽然淚下

武侯諸葛亮也蜀志曰景耀六年春詔為亮立廟於

沔陽漢書曰樂布梁人也吳楚反時以功封鄒侯復為燕相燕齊之間皆為立社號曰樂公社晉書曰羊公碑

名墮
淚碑

周隴右總管長史贈太子少保豆盧公神道碑

君諱永恩字某

周書云豆盧寧之弟也

昌黎徒河人本姓慕容燕

文明帝旣之後也

周書云其先本姓慕容氏南燕之支庶也十六國春秋前燕錄曰慕容旣

字元真鹿第二子小字萬年長七尺八寸雄毅善權略博學多材藝晉建武元年振武將軍永昌初拜左賢王太寧末拜平北將軍朝鮮公咸和八年即遼東公位九年晉遣謁者拜旣鎮東大將軍平州刺史大單于僭即燕王位晉使鴻臚郭忱持節拜旣侍中大都督河北諸軍事大將軍燕王遣都龍城及薨謚文明王子烏祿尊追尊曰文

朝鮮微

當作

子之封孤竹伯夷之國

前燕錄曰旣拜

朝鮮公又云即遼東公位孤竹遼地也漢書地理志曰樂浪郡朝鮮應劭曰故朝鮮國也武王封箕子於朝鮮

又地理志云遼西今支有孤竹城
應劭曰故伯夷國今有孤竹城
漢有四城秦為一候

謂燕也漢書地理志曰昭帝元鳳元年改燕國為廣陽
郡宣帝本始元年更為國有薊縣方城縣廣陽縣陰鄉
縣凡四城也揚雄解嘲曰西北一候鉞
曰候所以伺候遼國來朝之賓亦官也
其先保姓受氏

初存柳城之功開國承家始靜遼陽之亂
前燕錄曰昔高辛氏遊於

海濱留少子厭越以君北夷世居遼左秦漢之際為匈奴所敗分保鮮卑山因復以為號莫護跋魏率其諸部入居遼西從司馬宣王討公孫淵有功拜率義王始建國於棘城之北見燕代少年多冠步搖符意甚好之遂斂髮襲冠諸部因呼之為步搖其後因訛遂為慕容馬生木延左賢王從母丘儉征高麗有功加號大都督又涉歸以全柳城之勳進拜單于遠邑遼東於是漸變胡風自云慕二儀之德繼三光之容遂以慕容為姓漢書

地理志曰柳城屬遼西遼陽屬遼東保姓受氏自天市
左傳穆叔之辭開國承家易師卦上九爻辭也

星妖連津兵覆

晉書天文志曰惠帝永康元年彗星出牽牛之西指天市占曰牛者七政始彗

星出之改元易號之為也天市一名天府一名天子旗
帝座在其中央帝咸寧元年八月有星孛於角亢入天
市占曰為兵喪三年三月慕容恪攻沒洛陽沈勁等戰
死前燕錄曰永嘉初遼東太守龐本投東厓校尉李臻
附塞鮮早素喜連木丸津等託為臻報讎攻陷諸縣太
守素謙請與連和連津不從龐東擊連津破斬之盡併
二部之東徙之棘城立遼東郡而歸尚書府君改姓豆盧筮仕於魏周書
祖勝以燕皇始初歸魏授長樂郡守賜姓豆盧氏或云
遼難改焉左氏傳曰初畢萬筮仕於晉祖代左

右將軍魏文皇帝直寢父長少以雄略知名不幸早世

周書云父長柔玄鎮將有威重見稱於時周朝以兄弟佐命義存追遠兄弟謂兄

豆盧寧及豆盧永恩也保定二年有詔贈柱國大將軍涪陵郡公

周書豆盧寧傳云以寧著勲追贈柱國大將軍少保涪陵郡公隋書地志曰梁州涪陵郡舊曰漢平是知

春雨潤木自葉流根西伯行慶推存及沒張士然求為諸孫置守冢

人表云臣聞春雨潤木自葉流根言豆盧兄弟以著勲報本為自葉流根周朝追贈如文王之澤矣公以

山嶽精靈星辰秀異氣倅鐘鼎聲感風雲觀於秦兵尚

稱童子對於楚戰猶在青衿周書云永恩有識度為時輩所稱左傳僖二十三年

曰秦師過周北門左右免胄而下超乘者三百乘王孫滿尚幼觀之言於王曰秦師輕而無禮必敗又成十六

年鄢陵之戰云楚晨歷晉軍而陳史惠之苑句趙進曰
塞井夷寇陳於軍中而疏行首晉楚惟天所授何患焉
文子執戈逆之曰國之存亡天也重
子何知焉毛萇曰青衿學子所服
太祖文皇帝周太祖

也 文泰 乘時撥亂奄有霸業潁川一作 從我舊愛無渝春

陵故人相知惟眷周書本傳云初隨寧事侯莫陳悅後

至洛陽及光武為大司馬以霸為功曹史從度河北賓
客從霸者稍引去光武謂霸曰潁川從我者皆逝而

子獨留努力疾風知勁草又光武紀曰建武三年
十月幸春陵祠園因置酒舊宅大會故人父老 普泰

二年關西建義授珍寇將軍本傳云歸太 奉迎大駕賜

封新興縣伯邑五百戶本傳云以迎魏孝武功封晉 開

新安之鄉遷移楊僕之關解弘農之圍更入劉昆之郡

漢書曰武帝元鼎三年徙函谷關於新安故關為弘農縣應劭曰時樓船將軍楊僕數有大功恥為關外民上

書乞徙東關以家財給其用度武帝意亦好廣關於是徙關於新安去弘農三百里後漢書曰劉昆字桓公陳

留東昏人拜

援桴併轡並預前驅

左氏傳曰左并轡右援桴而鼓

大統

三年有沙苑之戰四年河橋之役

周書豆盧寧傳云從太祖擒竇泰復弘農

戰沙苑本傳云屢達征戰皆有功沙苑河橋恩皆與戰矣

介冑蟻虱戎馬生郊

韓子曰攻

戰無已時甲冑生蟻虱老子曰天下無道戎馬生郊

公應一作靈

變愈長風颭更勇

隱若敵國差疆人意

後漢書光武曰吳漢差疆人意隱若敵國矣

授龍驤將

軍中散大夫八年授直寢右親信都督尋轉大都督加

通直散騎常侍十六年授使持節車騎大將軍儀同三

司魏元年

本傳云魏廢帝元年

授驃騎大將軍開府儀同三司鄧

騭以漢朝親戚始授中台

後漢書曰鄧騭字昭伯女弟為和熹皇后延平元年拜車

騎將軍儀同三司始自騭也

黃權以魏國功臣初登上將

蜀志曰黃權字公衡

巴西閬中人也先主以權為鎮北將軍督江北軍以防魏師及南軍敗績先主引退而道隔絕權不得還故率

將所領降於魏景初元年權遣車騎將軍儀同三司

公頻煩寵授朝野為榮三年

都督成州諸軍事成州刺史

本傳同周書太祖紀云魏廢帝三年改南秦州為成

州尋加侍中外總連帥威振百城內參常伯榮高八舍

蔡質漢儀曰侍中常伯選舊儒高德博學淵懿仰占俯視切問近對喻旨公卿上殿稱制佩璽秉劔員本八人

司隸校尉見侍中執板揖河南尹亦如之於時隴坻黠羌時穿上谷榆中羣

賊或聚漁陽

漢書地理志隴西郡應劭曰有隴坻在其西也又曰上谷郡秦置屬幽州枚乘說吳

王曰昔秦北備榆中之關師古曰即今所謂榆關也地理志曰漁陽郡秦置屬幽州公卷甲星馳

長驅千騎迴洛兇徒望風草靡瓜州豪傑束手歸軍

迴洛

謂方侯洛也北史曰方侯普太平人子洛字受洛干河陰之戰諸軍北渡橋洛以一軍不動謂西人曰方侯受洛干在此能來可來也西人畏而去神武名其所營地為回洛洛慷慨有氣節勇銳冠世隋書地理志曰敦煌郡

舊置瓜州後魏元年改封龍支縣侯周書魏恭帝元年進封龍米縣侯隋志抱罕即

龍支後魏曰北金城西魏改焉三年朝廷使大將安政公隨突厥一有天子

二字吐谷一作番渾歸國安政公史寧也周書曰史寧字永和建康表氏人吐谷渾通使於齊

寧擊獲之就拜大將軍時突厥木杆可汗假道涼州將襲吐渾寧與木汗擊夸呂破之虜其妻子大獲珍物寧

乃還州周書異域傳曰突厥者匈奴之別姓阿史那氏別為部落其俗謂兜蓋為突厥因以為號訥都六有十

妻生子皆以母族為姓阿史那是其小妻之子也其後部落稍盛始通中國又曰吐谷渾本遼東鮮卑慕容廆

之庶兄也止於抱罕自為君長自吐谷渾至伏連籌一十四世伏連籌死子夸呂立始自號為可汗治伏俟城

在青海西十五里河鄯二州屬當路首公領騎八千以為戎防

周書本傳云三年大將軍安政公史寧隨突厥可汗入吐谷渾令永恩領騎五千鎮河鄯二州以為邊防隋志曰杞罕縣舊置河州西平郡舊置鄯州

南通丹粟西望白蘭關塞無虞公

之勳也

山海經曰荆山之首曰景山睢水出焉東南流至於江其中多丹粟晉書曰吐谷渾龍湫王據

有西零以西甘松之界極乎白蘭數千里周書異域傳曰白蘭者羌之別種也其地東北接吐谷渾西北至利模徒南界鄯鄂風俗物產與宕昌同

周元年

孝閔帝踐作之年也

授都督鄯州諸軍

事鄯州刺史其年改封沃野縣公增邑千戶二年授隴

右總管長府史

同傳

武成元年都督利涉

本傳作沙

汶三州諸

軍事利州刺史

周帝魏廢帝三年改西益為利州沙州為深州水經注酒泉南有鳴沙故曰沙

州隋志汶山郡後周汶州義城郡西魏利州置總管府

五年兵破文州陽陣蠻仍

平瀘水

本傳時文州蠻叛永恩率兵擊破之

以保定元年

遣字

將兵破巴

州恒獲獠

周書異域傳曰獠者蓋南蠻之別種自漢由達於邛笮川洞之間所在有之自江左及中

州通有巴蜀多恃險不賓太祖平梁之後令所在撫慰其與華民雜居者亦頗從賦役然天性暴亂旋至擾動每歲命隨近州鎮出兵討之獲其口以充賤隸謂之為雁獠焉有木籠獠鐵山獠恒稜獠此恒獲獠即周書所謂恒稜獠也

渡瀘五月葛亮有深入之兵長坂九迴王尊有

忠臣之路

蜀志曰諸葛亮言五月渡瀘并日而食臣非不自惜也顧王業不可偏安於蜀故也水經

注曰瀘水左右馬步之徑裁通而時有瘴氣三月四月連之必死非此時猶令人悶吐五月以後行者差得無

恙故武侯以夏波為難漢書王尊傳曰上以尊為郡令
遺益州刺史先是瑯邪王陽為益州刺史行步至邛邪
九折嘆曰奉先人遺體奈何乘此險後以病去及尊為
刺史至其坂問吏曰此非王陽所畏道耶吏對曰是尊
叱其馭曰驅之王陽為孝子王尊為
忠臣應劭曰九折坂在蜀嚴道縣 霜電不驚水草無

乏天幸將軍斯之謂矣

漢書曰霍去病從大將軍為驃
騎校尉敢深入軍亦有天幸未

當困

其年授司會

本傳云保定元年
入為司會中大夫

八法斯掌九賦是

均事總歲成功參月要

周禮曰司會掌邦之六典八法
八則之貳以九貢九賦九功九

式之法致財用以參互考日成
以月要考月成以歲會考歲成

三年還授隴右總管府

長史公屢弼英蕃頻相大府北海入朝仰以對問東平

謁帝因而定禮

後漢書曰北海敬王睦遣中大夫奉璧朝賀召而謂之曰朝廷設問寡人大夫

將何辭以對使者曰大王忠孝慈仁敬賢樂士臣雖蟻
蟻敢不以實睦曰吁子危我哉此乃孤幼時進趨之行
也大夫其對以孤襲爵以來志意衰惰聲色是娛犬馬
是好使者受命而行其能屈申若此又曰東平憲王蒼
即位拜為驃騎將軍置長史掾史負四十八人在三公
上是時中興三十餘年四方無虞蒼以天下化平宜修
禮樂乃與公卿共議定遂使馬首懷燕不無樂毅蕃臣
南北郊冠冕車服制度

疑漢或多田叔

史記曰燕惠王用齊反間使騎劫代將而召樂毅毅長諫遂西降趙趙封樂毅

於觀津曰望諸君燕惠王後悔使人讓樂毅且謝之樂
毅往來復過燕燕趙以為客卿又曰田叔者趙陞陽人
也趙王張敖以為郎中貫高等謀弑上事發漢下詔捕
趙王有敢隨王者梟三族惟孟舒田叔等十餘人賴衣

自號鉗為王家奴隨趙王教至長安貫高事明白
趙王教得出乃進田叔等十餘人盡拜為郡守 兄楚

國公豆盧寧也周書云寧以以叅和挹讓莊贊樂推建

國開都奄荒南服求以先封武陽郡三千戶益公沃野

之封本傳朝廷以兄弟相讓不無前史推恩分邑有詔

許焉增邑并前合四千七百戶既而六氣相犯五聲相

觸靈壽不終遊魂且變左傳醫和曰天有六氣降生五
味發為五色徵為五聲淫生六

疾六氣曰陰陽風雨晦明也陰淫寒疾陽淫熱疾風淫
未疾雨淫腹疾晦淫惑疾明淫心疾社預曰五聲白聲

商青聲角黑聲羽赤聲徵黃聲宮也漢書皇太后
賜孔光靈壽杖知靈壽杖名也周易曰遊魂為變薨於

官舍春秋五十八

周書作四十八

詔贈少保幽冀定相等五州

諸軍事幽州刺史諡曰敬公禮也天和元

一作六

年二月

六日葬於咸陽之洪瀆川大夫墓樹以柏諸侯墳高於

雉

春秋緯云天子墳高三刃樹以松諸侯半之樹以柏大夫八尺樹以蕪草士四尺樹以槐庶人無墳樹以

楊柳周禮云以爵等為丘封之度與其樹數鄭云漢律曰諸侯墳高四丈左傳杜注云三堵曰雉一雉之牆高

一丈 嗚呼哀哉公資忠履孝蘊義懷仁直榦百尋澄波千

頃

世說曰和嶠森森如千丈松又曰叔度汪汪若千頃波

留心職事愛玩圖籍官

曹案牘未嘗煩委

一作擁

戎馬交馳不妨餘裕兄弟公侯

國朝親戚宜春有湯沐之盛濯龍無流水之譏

漢書衛青傳曰

封青子伉為宜春侯不疑為陰安侯登為發于侯青謝曰上幸裂地封為三侯地理志曰宜春屬汝南郡左氏

傳曰諸侯有大功德乃有朝宿湯沐之邑袁宏後漢紀馬太后詔曰前過濯龍門上見外家車如流水馬如龍

吾亦不譴怒之但絕其歲用莫以默愧其心宜春有湯沐之邑言兄弟公侯也濯龍無流水之譏者言國朝親

也 渭南千畝之竹尚懼盈滿池

一作

陽二頃之田常

思止足

漢書曰渭川千畝竹此其人與千戶侯等漢書溝洫志白渠歌曰田於何所池陽谷曰地理志

池陽屬左馮翊應劭曰在池水之陽老子曰知足不辱知止不殆閒居賦序云於是覽止足之分

立身

則十世可宥遺子則一經而已

左氏傳曰天將十世宥之以勸能者漢書韋賢

傳曰遺子黃金滿
蕭不如教子一經
刺史賈逵之碑既生金粟將軍衛青

之墓方留石麟

王隱晉書曰永嘉元年陳國項縣賈逵石碑中生金人盜鑿取賈費已復生此

江東中興之瑞也述異記曰秦漢間公卿墓則以石麒麟鎮之乃為銘曰

朝鮮建國孤竹為君地稱高柳山名密雲遼陽趙裂武

遂秦分

朝鮮孤竹注見本序漢書地理志曰代郡高柳西部都尉治隋書地理志云安樂郡密雲縣後魏

置密雲郡領白檀要陽密雲三縣遼陽疑作瀋陽史記趙世家悼襄王九年趙攻燕取狸陽城正義曰燕無狸陽疑狸字誤當作瀋陽故城在檀州密雲縣南十八里燕瀋陽郡城也趙東界至瀛州則檀州在北趙攻燕取瀋陽城也地理志云遼陽屬遼東郡按武遂有二其一在韓其一在燕史記韓世家襄王六年秦復與我武遂

九年秦復取我武遂釐王六年與秦武遂二百里正義曰上武遂及此武遂皆宜陽近地又趙世家悼襄王二
年李牧將攻燕拔武遂方城徐廣曰武遂屬安平正義
曰括地志云易州遂城戰國時武遂城也隋志云上谷
郡遂城舊曰武遂今云慕容氏本都燕國蓋謂燕武遂
城與韓為異也戰國時燕為秦所滅故云武遂秦分

寶珪世胄雕戈舊勳名稱賓實言謂身文挺此含章降

茲岐嶷

寶珪周禮所謂桓圭信圭是也漢書郊祀志曰
輔駸駸戈莊子曰名者實之賓也左傳介之推

曰言身之文也易曰含章可貞詩曰克岐克嶷鄭
箋曰岐岐然意有所知也其貌嶷然有所別識也

有犯

無隱王道正直惟愛惟敬永成悅色枕藉禮闈留連學

殖禮記曰事君有犯無隱尚書曰王道正直孟子云禮
門也說闈宮中之門也左氏傳云學猶殖也不殖將

落策叅幃帳功披荆棘韓陣揮戈齊城馮軾

漢書高祖曰運籌幃

帳之中後漢書馮異傳帝曰為我披荆棘定關中博物志曰魯陽公與韓戰戰酣日暮援戈而麾之曰為之反三舍左氏傳曰君馮軾而觀之馮皮冰反此云齊城馮軾者引屈完事左傳楚子使屈完如師師退次於召陵齊侯使陳諸侯之師與屈完乘而觀之是也

豹策乃建龍韜同啓校戰岐陽

申威隴坻城壘畫地山林聚米

太公六韜文武虎豹龍天校戰岐陽本序河橋

沙苑等戰是也申威隴坻本序隴坻點羌時穿上谷至瓜州豪傑束手歸軍是也地理志曰扶風美陽岐山居西北中水柳周太王所居隴坻注見本序漢書李廣傳曰廣响口少言與人居則畫地為軍陳袁宏後漢紀曰上西征至漆議者以為車駕不宜入險馬援夜至勸工曰萬眾瓦解兵進必破以未為山谷於上前指眾軍所

八處上笑曰虜在吾目中矣

上馬諭

一作論

書臨戎習禮賈復開營廉

公屈體

漢書高祖曰乃公居馬上得之安事詩書陸賈曰馬上得之寧可以馬上治乎後漢書祭遵傳

曰雖在軍旅不忘俎豆可謂好禮悅樂守死善道者也
袁宏後漢紀曰賈復字君文南陽冠軍人寇恂為潁川太守時賈復兵在汝南其部將殺人恂戮之復怒曰吾與寇恂並立而為其所陷今與相見欲手刃擊之恂謀好避之終崇曰請以劍從有交足以相當恂曰不然昔蘭相如不畏秦王而屈於廉頗者為國也區區之趙尚有此義士吾安可以忘之乎上徵恂恂至引入時復在前欲起上曰天下未定兩虎安可私鬪詔令並坐極歡遂共車出結友而去廉頗相如事見史記

從容博會占對造請用此廉平

終茲寬猛

漢書贊曰陸賈從容平勃之間附會將相西征賦曰或從容博會望表知裏後漢書徐防

傳曰占對可觀綠林兵息潢池盜靜名振赤山威高青嶺玄獸

浮河飛螟出境

後漢書曰王莽末南方饑饉新市人王匡王鳳為平理許詡遂推為渠帥數百

人於是諸亡命馬武王常成丹等往從之共攻離鄉聚藏於綠林中注云綠林山在今荊州當陽縣東北也漢書曰龔遂為渤海太守召見謂遂曰渤海廢亂朕甚憂之君何以息其盜賊以稱朕意遂對曰海瀕遐邇不露聖化其民困於饑寒而吏不恤故使陛下赤子盜弄陛下之兵於潢池中耳今欲使臣勝之抑將安之也上說

答曰選用賢良固欲安之也乘傳至渤海郡界移書勅屬縣悉罷捕盜賊吏諸持鉏鉤田器者皆為良民吏毋得問持兵者乃為盜賊單車獨行至府郡中翕然盜賊亦皆罷後漢書徐彤傳曰匈奴鮮卑及赤山烏桓連和

強盛數入塞殺略吏人彤使招呼鮮卑示以財利其大都督偏何歸化擊破赤山斬其魁首持首詣彤塞外震

蟄又鳥桓傳曰赤山在遼東西北數千里按鳥桓神靈所歸之處也若中國岱山矣隋書地志允吾後魏置廣武郡有青巖山後漢書曰劉昆為弘農太守仁風大行虎皆負子渡河又魯恭傳曰建德七年郡國螟傷稼犬牙緣界不入中牟

災氛

一作氣

生隴毒水侵涇朝傾地鎮夜落台

星

說文曰氛祥氣也隴地理志所謂隴城是也左氏傳曰秦人毒涇上流師人多死周禮職方氏有山鎮朝

傾地鎮即所謂泰山顏也晉書曰張華死中台圻

石壇承祀豐碑頌靈渭城高

柏昌陵下亭須知地市為讀山銘

漢書曰張良死并葬黃石每上冢伏臘祠

黃石周禮及寔執斧以涖匠師鄭注云匠師主豐碑之事以涖之使戒其事漢書地理志曰扶風渭城故咸陽成帝紀曰于昌陵賜丞相御史將軍列侯公主中二千石冢地第宅蜀本紀曰始皇陵有銀蠶金雀以多奇物

故俗云秦
皇地市



庚子山集卷十四